

海豐吳氏石蓮盦彙刻九金人集

遺山集

第三冊



遺山先生新樂府卷第一

無錫後學華希園豫原校

平定後學張穆順州重校

水調歌頭

少室玉華谷月夕與希顏欽叔飲醉中賦此  
玉華詩老宋洛陽耆英劉几伯壽也劉有二  
侍妾名萱州芳州吹笛石城裏  
壁少室山三十六峯之名也

山家釀初熟取醉不論錢清溪留飲三日魚鳥亦欣然見說  
玉華詩老袖有忘憂萱草牛背穩於船鐵笛久埋沒雅曲竟  
誰傳 坐蒼苔敲亂石耿無眠長松夜半悲嘯笙鶴下遙天  
天上金堂玉室地下石城瓊壁別有一山川把酒問明月今  
夕是何年

二與李長源  
游龍門

灘聲蕩高望秋氣靜雲林回頭洛陽城闕塵土一何深前日

遺山先生新樂府

卷一

陽泉山莊

神光牛背今日春風馬耳因見古人心一笑青山底未受二  
毛侵 問龍門何所似似山陰平生夢想佳處留眼更登臨  
我有一卮芳酒喚取山花山鳥伴我醉時吟何必絲與竹山  
水有清音

三綴山  
夜飲

石壇洗秋露喬木擁蒼煙綴山七月笙鶴曾此上寶天為問  
雲間崧少老眼無窮今古大藥幾人傳宇宙一丘上城郭又  
千年 一襟風一片月酒樽前王喬為汝轟飲留看醉時顛  
杳杳白雲青嶂蕩蕩銀河碧落長袖得回旋舉手謝浮世我  
是飲中仙

四

興定庚辰六月望子與河南元好問趙郡李獻能  
同游玉華谷將歷崧前諸刹因過少姨祠遂周行廊  
廡得古仙人祠壁間然其首章直屋漏雨為所漫刺  
殆不能辨燈木石而上拂塵滓滌迫視者久之始可

完讀觀其體則柏梁事則終始二漢字畫在鍾王之  
間東井又元鼎所都幽州必賢子虛也夫春春不忌  
幽州者非吾田疇向誰與日復所事之辭御曹騶之  
賞衰俗波蕩中挺挺有烈丈夫語氣其死而不亡蓋  
無疑其能道此語亦無疑觀者不當以文體古今之  
變而疑仙語也 仙山靈岳宜有閻術博大真人往  
來其間而世人莫之識也予三人乃今見之夫豈偶  
然哉再拜留跡以附知音者之末云 渾源雷淵題  
附仙人詞夢入雲山宮闕幽鶯鶯同侶駕鳳流桂月  
竟夜光不收世俗擾擾成羣湫醉飛星馭鞭金虬入  
仙浪跡追眞游龜玉筌蹄四十秋摩霄注壑須人求  
覓劍如或笑刻舟陽楚非無鹿里儁元鼎以來虛崑  
邱東井徒勞冠帶脩松餐竹飲度屋樓  
嵩頂坐肅垂直鈞祇應慙媿劉幽州

雲山有宮闕浩蕩玉華秋何年鶯鶯同侶清夢入眞游細看  
詩中元鼎似道區區東井冠帶事崑工壞壁澆風雨醉墨失  
蛟蚪 問詩仙緣底事愧幽州知音定在何許此語爲誰留  
世外青天明月世上紅塵白日我亦厭囂湫一笑拂衣去崑  
頂坐垂鈞

遺山先生新樂府

卷一

二 陽泉山莊

五 與欽叔飲時李以同州  
錄事判官入館司之

長安夏秋雨泥潦滿街衢先生閉戶轟飲鄰屋厭歌呼慚媿  
君家兄弟半世相親相愛知我是狂夫禮法略苛細言語任  
乖疏 判司官一囊米五車書騎驢冠蓋叢裏鞍馬避僮奴  
只有平生親舊歡笑窮年竟日未必古人如酒賤可頻置時  
爲過吾廬

六 賦德新王丈玉溪溪在嵩  
前費莊兩山絕勝處也

空濛玉華曉蕭灑石淙秋崑高大佳處元在玉溪頭翠壁  
丹崖千丈古木寒藤兩岸邨落帶林丘今日好風色可以放  
吾舟 百來年筭惟有此翁游山川邂逅佳客猿鳥亦相留  
父老雞豚鄉社兒女籃輿竹几來往亦風流萬事已華髮吾  
道付滄洲

七賦三  
門津

黃河九天上人鬼瞰重關長風怒捲高浪飛灑日光寒峻似  
呂梁千仞壯似錢唐八月直下洗塵寰萬象入橫潰依舊一  
峯閒 仰危巢雙鶴過杏難攀人間此險何用萬古祕神姦  
不用然犀下照未必伏飛強射有力障狂瀾喚取騎鯨客搥  
鼓過銀山

八史館  
夜直

形神自相語咄諾汝來前天生汝何意寧獨有奇偏萬事  
麤疏潦倒半世棲遲零落甘受眾人憐許汜臥牀下趙壹倚  
門邊 五車書都不博一囊錢長安自古岐路難似上青天  
雞黍年年鄉社桃李家家春酒平地有神仙歸去不歸去鼻  
孔有誰穿

遺山先生新樂府

卷一

三

陽泉山莊

九新長  
壽齋

蒼煙百年木春雨一溪花移居白鹿東幄家具滿樵車舊有  
黃牛十角分去聲得山田一曲涼薄了生涯一笑顧兒女今日  
是山家 簿書叢鈴夜掣鼓晨撾人生一枕春睡辛苦趁蜂  
衙竹里藍田山下艸閣百花潭上千古占煙霞更看商於路  
別有故侯瓜

十西京汜水  
故城登賦

牛羊散平楚落日漢家營龍犀虎擲何處野蔓冒荒城遙想  
朱旗西指萬里風雲奔走慘澹五年兵天地入鞭箠毛髮凜  
威靈 一千年成皋路幾人經長河浩浩東注不盡古今情  
誰謂麻池小豎偶解東門長嘯取次論韓彭慷慨一樽酒胸  
次若為平

滿江紅

崧山中作

天上飛鳥問誰遣東生西沒明鏡裏朝看青鬢暮爲華髮弱  
水蓬萊三萬里夢魂不到金銀闕更幾人能有謝家山飛仙  
骨山鳥唳林花發玉杯冷秋雲滑彭殤共一醉不爭毫末  
鞭石何年滄海過三山只是樽中物暫放教老子據胡牀邀  
明月

二內鄉作

老樹荒臺秋興動悠然獨酌秋也老江山憔悴鬢華先覺人  
到中年元易感眼看華屋歸零落筭世間唯有醉鄉民平生  
樂 凌浩蕩觀寥廓月爲燭雲爲幄儘百川都釀不供杯杓  
身外虛名將底用古人已錯今尤錯喚野猿山鳥一時歌休  
休莫

遺山先生新樂府

卷一

四

陽泉山莊

三內鄉牛山亭浮休居士  
張芸叟窪尊石刻在焉

江上窪尊人道有浮休遺迹尊俎地江山如畫百年岑寂白  
鶴重來城郭在山花山鳥渾相識更與君載酒半山亭追疇  
昔 人易老時難得歡未減悲還及身前與身後杳無終極  
一笑何須留故事千年誰復知今日拚醉來橫臥隴頭雲林

間石

四

方城商帥國器軍中寄同年李  
欽用欽用時爲西臺掾在長安

漢水方城今古道幾回投迹留滯久浩歌狂醉此心誰識渭  
北清光搖艸樹故人對酒應相憶記雨窗相對話離憂秋風  
夕 風月笛煙霞展身易老時難得鳥飛天不盡野春平碧  
我夢秦東亭上飲舉頭但見長安日便與君重結入關期明  
年必

五 送希顏之  
官徐州

元鼎詩仙知音少喜君留迹還有恨故山飛去石城瓊壁萬  
里征西天有意四方問舍今何日便金蚪飛馭解移文知無  
及 淮海地雲雷夕自不負須如戟望幕中談笑隱如勅敵  
此老何堪丞掾事佳時但要江山筆向楚王臺上酒酣時須  
相憶

六

畫戟清香誰得似韋郎詩筆還又見從容車騎徐州西北竹  
馬兒童應有語使君姓字人人識是往時曾護國西門金湯  
壁 千日醉三更席事已去尋無迹對暮涼燈火悵然如失  
萬里功名知未免中年離別尤堪惜恨洛陽風雨暗旌旗空

相憶

遺山先生新樂府

卷一

五

陽泉山莊

七

枕上吳山隱隱見宮眉修碧人好在斷腸渾似畫圖相識羅  
襪塵香來有信玉簫聲遠尋無迹恨不將春色醉仙桃迷芳  
席 嬋娟月韶華日夢已盡愁仍積江花共江草幾時終極  
錦樹吹殘胡蝶老冰綃翦破鴛鴦隻拚楚雲湘雨一生休休

相憶

八

一枕餘醒厭厭共相思無力人語定小窗風雨暮寒岑寂繡  
被留歡香未減錦書封淚紅猶溼問寸腸能著幾多愁朝還  
夕 春草遠春江碧雲暗澹花狼籍更柳綿閒颺柳絲難織  
入夢終疑神女賦寫情除有文通筆恨伯勞東去燕西飛空  
相憶

九 再過水南

新添

問柳尋花津橋路年年寒節佳麗地梁園池館洛陽城闕白  
鶴重來人換世淒涼一樹梅花發記水南昨暮賞春回今華  
髮 金縷唱龍香撥雲液煖瓊杯滑料羈愁千種不禁掀豁  
老眼只供他日淚春風竟是誰家物恨馬頭明月更多清尋  
常缺

十三 泉醉飲

新添

桃李漫山風日煖朝來開徹東溪上落花流水暮春三月一  
片花飛春意減有花堪折君須折恨百年春事短長亭忽忽  
別 金縷唱金蕉拍休直待芳華歇到綠陰青子只供愁絕  
坐上常看尊有酒鏡中莫管頭如雪料醉來人說次公狂從  
渠說

遺山先生新樂府

卷一

六

陽泉山莊

念奴嬌

欽叔欽用避兵大華絕頂有書見招因爲賦此

雲間太華笑蒼然塵世眞成何物玉井蓮開花十丈獨立蒼  
龍絕壁九點齊州一杯滄海半落天山雪中原逐鹿定知誰  
是雄傑 我夢黃鸝移書洪崖招隱逸尊中發箭苦天門  
飛不到落日旌旗明滅華屋生存山正零落幾換青青髮人  
間休問浩歌且醉明月

二 飲渾源岳神

仙會 新添

小山招飲恨還丹不到人間豪傑南渡衣冠多盛集蕭灑蘭  
亭三月陶冷襟靈留連光景觴詠今無復黃壚雖近老懷空  
感存歿 誰辦八表神游古來登覽此日俱湮沒天景雲光  
搖醉眼興在珠宮瑤闕布席崧臺脫巾石壁散我蕭蕭髮短  
歌悲慨海濤響振林樾

永遇樂

絕壁孤雲冷泉高竹茅舍相望留滯三年相思千里歸夢風  
煙上天公老大依然兒戲困我世間羈鞅此身似扁舟一葉  
浩浩拍天風浪 中臺黃散官倉紅腐換得塵容俗狀枕上  
哦詩夢中得句笑了還惆悵可憐滿鏡星星白髮中有利名  
千丈問何時有酒如川自歌自放

摸魚兒

正月二十七日予與希顏陪馮內翰文游龍母潭韓吏部釣於龍潭遇雷事見天封題名即此地也既歸宿於近潭田舍翁家是夜雷雨大作望潭中火光如燭明日旁近言龍起大槐中父老云正月龍起前此未見也龍潭寺南窪尊馮丈所名

笑青山不解留客林正夜半掀舉蕭蕭暮景千山雪銀箭忽  
傳飛雨還記否又恐似龍潭垂釣風雷怒山神良苦料只為  
三年長安道上來與浣塵土 清陰渡渺渺風煙杖屨名山

遺山先生新樂府

卷一

七

陽泉山莊

元有佳處山僧乞去聲我溪南地十里瘦藤高樹私自語更須

問窪尊此日誰賓主朝來蒼暮去紫山鳥山花前歌後舞從  
我醉鄉路

乙丑歲赴試并州道逢捕鴈者云今日獲一鴈殺之矣其脫網者悲鳴不能去竟自投於地而死予因買得之葬之汾水之上紫石為識號曰鴈邱同行者多為賦詩予亦有鴈邱詞舊所作無宮商今為改定云

問人間情是何物直教生死相許天南地北雙飛客老翅幾  
回寒暑歡樂趣離別苦是中更有癡兒女君應有語渺萬里  
層雲千山暮景隻影為誰去 橫汾路寂寞當年簫鼓荒煙  
依舊平楚招魂楚楚些何嗟及山鬼自啼風雨天也妒未信與  
鶯兒燕子俱黃上千秋萬古為留待騷人狂歌痛飲來訪鴈  
正處

三 泰和中大名民家小兒女有以私情不如意赴水者官為蹤跡之無見也其後踏蒲者得二尸水中衣服

仍可驗其事乃白是歲此陂荷花開無不並蒂者沁  
水梁國用時爲錄事判官爲李用章內翰言如此曲  
以樂府雙葉怨命篇咀五色之靈芝香生九竅咽  
三危之瑞露美動七情韓偓香奩集中自敘語

問蓮根有絲多少蓮心知爲誰苦雙花脈脈嬌相向只是舊  
家兒女天已許甚不教白頭生死鴛鴦浦夕陽無語弄謝客  
煙中湘妃江上未是斷腸處 香匿夢好在靈芝瑞露中間  
俯仰今古海枯石爛情緣在幽恨不理黃土相思樹流年度  
無端又被西風誤蘭舟少住怕載酒重來紅衣半落狼藉臥  
秋雨

四

憶元龍舊家湖海不應年鬢衰槁翩翩竹馬兒童喜驚見漢  
江歸報歸計早黃金印征西已付諸郎了紅雲仙島渺千里  
移春濃薰細染春意已傾倒 西溪上玉鏡修眉翠埽題詩

遺山先生新樂府

卷一

八

陽泉山莊

會許誰到溪亭未入奚奴錦望斷綠波春艸君且道人間世  
虛名得似歡游好風流未老約款段隨車鴟夷載酒迎我霸  
陵道

五 樓桑呼漢  
昭烈廟

問樓桑故居無處青林留在祠宇荒壇社散烏聲喧寂寞漢  
家蕭鼓春已暮君不見錦城花重驚風雨劉郎良苦儘玉壘  
青雲錦江秀色辦作一丘土 西山好滿意龍盤虎踞登臨  
感愴千古當時諸葛成何事伯仲果誰伊呂還自語緣底事  
十年來往燕南路征鞍且駐就老瓦盆邊田翁共飲攜手醉  
鄉去

最高樓 商於魯  
縣北山

商於路山遠客來稀雞犬靜柴扉東家歡飲薑芽脆西家留

宿芋魁肥覺重來猿與鶴總忘機 問華屋高貴誰不戀間  
美食大官誰不羨風浪裏竟安歸雲山既不求吾是林泉又  
不責吾非任年年藜藿飯芟荷衣

玉漏遲 王辰圍城中有懷浙江別業爲欽用弟賦

浙江歸路杳望西南仰羨投林高鳥升斗微官世累苦相縈  
繞不入麒麟畫裏又不與巢由同調時自笑虛名負我平生  
吟嘯 擾擾馬足車塵被歲月無情暗銷年少鐘鼎山林一  
事幾時會了四壁秋蟲夜語更一點殘燈斜照清鏡曉白髮  
又添多少

石州慢 赴召史館與德新丈別於岳祠西新店明日以此寄之

擊筑行歌鞍馬賦詩年少豪舉從渠里社浮沈枉笑人間兒  
女生平王粲而今憔悴登樓江山信美非吾土天地一飛鴻  
遺山先生新樂府 卷一 九 陽泉山莊

渺翩翩何許 羈旅山中父老相逢應念此行良苦幾許虛  
名誤卻東家雞黍漫漫長路蕭蕭兩鬢黃塵騎驢漫與行人  
語詩句欲成時滿西山風雨

二

見女籃輿田舍老益隨意林壑三重屋上黃茅賴是秋風留  
著舊家年少也曾東抹西塗鬢毛爭信星星卻歲暮日斜時  
儘棲遲零落 如昨青雲飛蓋追隨傾動故都城郭疊鼓疑  
笳幾處銀屏珠箔夢中身世只知雞犬新豐西園勝賞驚還  
覺霜葉晚蕭蕭滿疏籬寒雀

聲聲慢 內鄉浙江上作

林間雞犬江上邨墟扁舟處處經過袖裏新詩買斷古木蒼  
波山中一花一艸也留教老子婆婆任人笑甚風雲氣少兒

女情多 不待求田問舍被朝吟暮醉慣得蹉跎百尺高樓  
更問平地如何朝來斜風細雨喜紅塵不到漁蓑一尊酒喚  
元龍來聽浩歌

洞仙歌

超化藤碧軒得欵叔書有相調之語因  
代書以寄寺有長明鏡龕卽所見而言

青錢白璧自買愁腸繞更恨歡狂負年少記陽關圖上尊酒  
留連兒女淚輸與閒人坐釣 茂陵多病後懶盡琴心無復  
求凰與同調似清風古殿風動檐搖晴晝永惟有龕燈靜照  
看胡蝶飛來澹無情問牆角戎葵爲誰凝笑

滿庭芳

正大四年戊子十月汴京遇仙樓酒家揚廣有  
僧就之借宿每酒客散從外來臥具有閒贖則

就之不然赤地亦寢一日天寒甚楊憐其羸窮飲之  
酒僧若媿焉晨起僧持酒盃出同宿者聞喚聲少焉  
僧云增明亭前牡丹開矣速往看之人聞而不信也  
已乃果有兩花僧亦去京師觀者填咽酒壚爲之一  
空揚因獲利不貲  
蓋僧以是報揚也

遣山先生新樂府

卷一

十 陽泉山莊

天上殷韓解羈官府爛游舞榭歌樓開花釀酒來看帝王州  
常見牡丹開候獨占斷穀雨風流仙家好霜天槁葉穠豔破  
春柔 狂僧誰借手一杯喚起綠怨紅愁看天香國豔梅菊  
替人羞盡揭紗籠護日容光動玉笋瓊舟都人士女年年十  
月常記遇仙樓

二 同座主開  
開公賦

妝鏡韶華牙籤名品慣看培養經年何人曾見稿葉敗芳妍  
知是毗耶座客三生夢猶有情緣薰香手融春暈雪來見百  
花前 嫣然誰爲笑珠圍翠繞且共留連待詩中偷寫畫裏  
眞傳繡帽擁霜紫塞瓊肌瑩春滿 前新聲在梁園異事并  
記玉堂仙

八聲甘州

同張古人觀許由冢古  
人名潛字仲外黃人

許君祠層崖上岫嶒幽林入清深坐嵩少風煙濃淡百態立  
變晴陰山下一溪流水不受是非侵寂寞懸瓢地黃屋無心  
木杪嘖砢石冢見人間幾度夕鼎朝錕問五兵誰作音天  
地更生金百年來神州萬里望浮雲西北淚沾襟青山好一  
尊未盡且共登臨

二

玉京巖龍香海南來霓裳月中傳有六朝圖畫朝朝瓊樹步  
步金蓮明月重簾晝燭幾處鎖嬋娟塵暗秦王女秋扇年年  
一枕繁華夢覺問故家桃李何許爭妍便牛羊止隴白草  
動蒼煙更誰知昭陽舊事似天教通德見伶玄春風老擁鬢  
鬢黛寂寞鐙前

三

遺山先生新樂府

卷一

十一

陽泉山莊

半仙亭籃輿雪中回黃紬日高眠兒婚女嫁奴耕婢織共有  
住山緣夢裏松腴釀熟竹港咽冰泉萬古霜空月此夜清妍  
不愛朝臺暮省愛漢陂魚艇杜曲山田更昭陽遺藁有意  
續伶玄定誰共舊家研削要裴回顧影燭花前西歸好春風  
未老留待明年

蝶戀花

戊辰歲長  
安中作

一片花飛春意減  
雨雨風風常恨尋芳晚  
若箇花枝偏入眼  
樽前細問春風揀  
醉裏看花雲錦爛  
只記鶯聲不記紅牙  
板留著佳人鸚鵡  
瓊明朝賸把長條挽

二甲申歲  
南都作

牢落羈懷愁有信  
流水水浮生幾見中秋閏  
千古詩壇將酒陣  
一輪明月消磨盡  
八月人間秋滿鬢  
桂樹扶疏更與秋風

近天上姮娥應有恨騎鯨人去無人問

三 白鹿原

新齋作

負郭桑麻秋課重十角黃牛分去聲得山田種鄉社雞豚人與

共春風漸入浮蛆甕 繞屋清溪醒午夢一榻惻然坐受雲

山供四海虛名將底用一聲啼鳥巖花動

四

春到桃源人不到白髮劉郎誤入紅雲島著意酬春還艸艸

東風一夜花如掃 過眼風花人自惱已坐尋芳更約明年

早天若有情天亦老世間元只無情好

五 同樂舜咨郎中

夢梅新添

梅信初傳金點小翠羽多情儘耐風枝裊乞與吟鞞共百繞

小窗月暗人聲悄 枕上詩成還自笑萬斛清愁換得春多

遺山先生新樂府

卷一

十二

陽泉山莊

少臨水幽姿空自照羅浮山下孤邨曉

賀新郎 為良佐所親賦

赴節金釵促愛弦間冷泠細雨非琴非筑別鶴離鸞雲千里

風雨孤燈夜哭只雌蝶雄蜂同宿汀樹詩成歸身遠認宮眉

隱隱春山綠歌宛轉淚盈笳 吳兒越女皆冰玉恨不及排

衲星漢流光相屬破鏡何年清輝滿寂寞佳人空谷人世事

尋常翻覆入塞新聲愁未了更傷心聽得江南曲羯鼓催紅

燭

醉花陰

候館青燈淡相對夜迢迢無奈掩淚惜分飛好夢空回留得

閑愁在 同心易綰雙羅帶只連環難解且莫望歸鞍儘眼

西山人更西山外

鳳凰臺上憶吹簫

寶曆留香錦書封淚要教惱亂愁腸恨鏡鸞雙舞幸負歡狂  
日月東城望眼俱夢雲煙樹微茫人何處濃陰靜院口月幽  
窗東風萬紅千紫算只有寒梅瘦得何郎想淡妝無語孤影  
昏黃好在藍橋舊路也便口口

遺山先生新樂府

卷一

三

陽泉山莊

春黃夜五盞淋漓韻出與口口

謝東風倚倚于燕翼只百秋謝與恰酒地如烘無語解得

口口民東風望眼俱夢雲煙樹微茫人何處濃陰靜院口月幽

窗東風萬紅千紫算只有寒梅瘦得何郎想淡妝無語孤影昏黃好在藍橋舊路也便口口

遺山先生新樂府卷第一

遣山先生新樂府卷第二

無錫後學華希閱豫原校

平定後學張穆頹洲重校

臨江仙 自洛陽往孟津道中作

今古北邙山下路黃塵老盡英雄人生長恨水長東幽懷誰共語遠目送歸鴻 蓋世功名將底用從前錯怨天公浩歌一曲酒千鍾男兒行處是未要論窮通

二 飲昆陽官舍有懷德新文

世故迫人無好況酒盃今日初拈昆陽城下醉蒼蟾乾坤悲夜永箛鼓覺秋嚴 夢寐玉溪溪上路竹枝斜出青帘故人白髮未應添浩歌風露下相望一 掀髯

三 寄德新丈

遣山先生新樂府

卷二

一

陽泉山莊

自笑此身無定在北州又復南州買田何日遂歸休向來元落落此去亦悠悠 赤日黃塵三百里高丘幾度登樓故人多在玉溪頭清泉明月曉高樹晚蟬秋

四

自笑此身無定在風蓬易轉孤根羨君歸意滿離尊眼中茅屋口稚子已迎門 回首對牀燈火處萬山深 孤村故人天末賦招魂新詩憑寄取憔悴不須論

五 內鄉寄崧前故人

昨夜半山亭下醉窪尊人日留題放船直到浙江西冰壺天上下雲錦樹高低 世上紅塵爭白日山中太古熙熙外人初到故應迷桃花三百里渾是武陵溪

六 夏節秋林在內鄉北山

夏館秋林山水窟  
家林影湖光三年閑  
爲一官忙簿書愁裏過  
筍蕨夢中香父老書來  
招我隱臨流已蓋茅堂  
白頭兄弟共論量  
山田尋二頃他日作桐鄉

七 與欽叔飲二首

邂逅一尊文字飲  
春風爲洗愁顏  
花枝入鬢笑詩斑  
發臨千古意天淡  
夕陽閑南去北來行  
老矣人生茅屋三間  
何人得似謝東山  
紫簫明月底高竹倚  
風鬟

八

明月清風無盡藏  
平生老子南樓間  
閑談笑說封侯誰能知  
許事一笑去來休  
舊見輞川圖畫裏  
十年辜負歡游百金  
早晚得菟裘與君成  
二老來往亦風流

九 孟津河山亭同欽叔賦因寄希顏兄

遺先生新樂府

卷二

二

陽泉山莊

試上古城城上望  
水光天影相涵都  
將形勝入高談  
河山君與我獨恨少  
髯參造物戲人兒  
女劇狙公暮四朝三  
百年都合付醺酣  
人家誰有酒吾欲  
典春衫

十

世事悠悠天不管  
春風花柳爭妍  
人家寒食盡藏煙  
不知何處火來就  
客心然千里故鄉  
千里夢高城淚眼  
遙天時光流轉  
鴈飛邊今春看  
又過何日是歸年

十一

相下與王以道飲席間走筆爲賦王予東曹掾時同舍郎也

一段江山英秀氣  
風流天下星  
郎煙花故國五雲鄉  
只知心事在爭向  
鬢毛蒼千古西陵  
歌舞地興來忘却  
悲涼相逢一醉莫  
停觴東山看老去  
湖海永相望

十二

醉眼紛紛桃李過，雄蜂雌蝶同時一。生心事杏花詩，小橋春  
寂寞風雨鬢成絲。天上鸞膠尋不得，直教吹散臙脂月。明  
千里少姨祠，山中開較晚。應有背陰枝。

十三

葉葉荷花開處好，大明湖上新秋紅。妝翠蓋本蘭舟江山如  
畫裏，人物更風流。千里故人千里月，三年辜負歡游一杯  
白酒寄離口，殷勤橋下水，幾日到東州。

十四

紫玉霜華相照映，錦花仍是瓊兒天邊誰與慰，相思洗妝無  
別物，只有斷腸詩。水北水南渾一夢，眼中紅袖烏絲春風  
同是可憐枝，爭教歌酒興不似洛陽時。

十五

贈仲經女子楚楚

遣吳年新樂府

卷二

三

陽泉山莊

阿楚新年都六歲，掌中一捻嬌春詩。中有筆畫難真芝香雲  
作朶魚細錦爲鱗。舊說張門多靜女，更和靈照情親。外家  
姓龐氏誘談休遣孔兄嗔，異時看小妹林下謝夫人。

十六

新添張光甫  
家兒子咬驢

膝上添丁郎小小，小鷄雛彩鶴初。勻書堂合與孟家鄰，誦詩琴  
口口口口墨沾脣。頭玉嶢嶢眉刷翠，更將秋水爲神看花  
留待百年春金鞍南陌上，驚動洛陽人。

十七

連日湖亭風色好，今朝賞徧東城主人留。客過清明小桃如  
欲語楊柳更多情。爲愛暮雲芳草句，一杯聊聽新聲水流  
花落歎浮生，故園春更晚。時節已啼鶯。

十八

新添贈答飛卿弟

壯歲論交今晚歲只君知我平生六年相望若爲情呂安思  
叔夜殘月配長庚 濟上買田堪共隱嵩丘朝暮陰晴紫雲  
仙李白雲兄風流成二老林下看昇平

十九

新添唐子西酒名齊  
物論又曰養生王

誰喚提壺沽美酒浮生多負歡游窻明窻晴百年休涼風催  
鴈過春水帶花流 仰視浮雲空自誕往還歲月悠悠三山  
那有鳳麟洲一盃齊物論千古醉鄉侯

三奠子

同國器卮良佐仲  
澤置酒南陽故城

上高城置酒遙望春陵與典廢兩虛名江山埋王氣草木動  
威靈中原鹿千年後儘人爭 風雲窟兼鞍馬生平鐘鼎上  
幾書生軍門高密策田畝卧龍耕南陽道西山色古今情

二 離南陽後作

遺先生新樂府

卷二

四

陽泉山莊

悵韶華流轉無計留連行樂地一 悽然笙歌寒食後桃李惡  
風前連環玉廻文錦兩纏綿 芳塵未遠幽意誰傳千古恨  
再生綠閑衾香易冷孤枕夢難圓西窗雨南樓月夜如年

行香子

浙江上作

漫漫晴波澹澹雲羅傍春江是處紅過桃花解笑楊柳能歌  
儘百年身千古意兩蹉跎 酒惡無聊詩苦成魔只閑情不  
易消磨幾人樵徑何處山阿恨父陽遲芳草遠落紅多

江月晃重山

初到崧山時作

塞上秋風鼓角城頭落日旌旗少年鞍馬適相宜從軍樂莫  
問所從誰 候騎纔通薊北先聲已動遼西歸期猶及柳依  
依春闌月紅袖不須啼

感皇恩

洛西爲劉兄景  
立賦秋蓮曲

金粉拂霓裳，凌波微步瘦。玉亭亭，依秋渚。澹香高韻，賣盡一天清露。惱人容易，被西風、誤微雨。岸口斜陽，汀樹自惜風流。怨遲暮，珠簾清竹，應有阿溪新句。斷魂誰解，與煙中語。

二

夢寐見并州，今朝身到未。怕清汾，照枯槁。百年狂興，盡與家山傾倒。黑頭誰辦得，歸來早。梁苑綠波長，春草惆悵行人。暗中老故人，相送記得。臨行曾道，故園行樂地，依然好。

三 新添壽韓侯恬然

水上覓紅雲，雲藏仙島雲。外晴峰翠於掃，東園行樂一洗山。林枯槁，萬金誰辦得，安閑早。石上玉芝松間，瑤草容易休教。使君老壽，孟宮袖醉，眼風荷翻倒。錦堂花與月，年年好。

四 新添張侯壽席此州樂府垂楊一曲方盛

邊山先生新樂府

卷二

五

陽泉山莊

天外想春來，春來天上樂府垂楊新。動唱扁舟西子，併與雲帆無恙。五湖將底用黃金，像水閣清深。晴樓蕭爽，綵竹留教助清賞。松腴仙耐，萬斛口泉，供釀壽杯，先領取山中相。

促拍醜奴兒

閑閑公

風雨替花愁，風雨罷花也應休。勸君莫惜花前醉，今年花謝，明年花謝，白了人頭。乘興兩三甌，揀溪山好處追游。但教有酒身無事，有花也好，無花也好，選甚春秋。

二 學閑閑公體

朝鏡惜蹉跎，一年年來日無多。無情六合乾坤裏，顛鸞倒鳳，撐霆裂月，直被消磨。世事飽經過，算都輸暢飲高歌。天公不禁人間酒，良辰美景，賞心樂事，不醉如何。

三 賀人生子

朱麝掌中香可憐兒初浴蘭湯靈椿耄老丹枝秀東鄰西舍  
排家助喜沽酒牽羊天與讀書郎便安排富貴文章高門自  
有容車日明年且看青衫竹馬鴈鴈成行

四

無物慰蹉跎占一丘一壑婆娑閑來點檢平生事天南地北  
幾多塵土何限風波花塢與松坡盡先生少小經過老來詩  
酒猶堪在家山在眼親朋滿座不醉如何

青玉案

落紅吹滿沙頭路似總被春將去花落花開春幾度多情惟  
有畫梁雙燕知道春歸處鏡中冉冉韶華暮欲寫幽懷恨無  
句九十花期能幾許一卮芳酒一襟清淚寂寞西窗雨

浣溪紗

方口仙翁山北水莊成良  
佐以事繫獄以此寄之

遣山先生新樂府

卷二

六

陽泉山莊

百折清泉遶舍鳴隔年楊柳綠陰成藕花多處一舟橫行處  
自由皆樂事得來無用是虛名等閑榮辱不須驚

二 宿孟津官舍

一夜春寒滴下廳獨眠人起候明星娟娟山月入疎櫺萬古  
風雲雙短鬢百年身世幾長亭浩歌聊且慰飄零

三 外家種德堂

牆外桑麻雨露深堂前桃李有新陰高門因見古人心三世  
讀書無白屋一經教子勝黃金小口先與喚瓊林

四 史院得告歸西山

萬頃風煙入酒壺西山歸去一狂夫皇家結網未曾疎情性  
本宜閑處着文章自付用時無醉來聊爲鼓隳胡

五 集句

芍藥初開百步香  
小欄幽徑隔長廊  
好花都屬富家郎  
此樂莫教兒輩覺  
老夫聊發少年狂  
高燒銀燭照紅妝

六 往年宏辭御題  
有西山晴雪詩

日射雲間五色芝  
鴛鴦宮瓦碧參差  
西山晴雪入新詩  
焦土已經三月火  
殘花猶發萬年枝  
他年江令獨來時

七

湖上春風散客愁  
芳洲煙景記曾游  
人家渾似玉溪頭  
楊柳青旗沽酒市  
桃花流水釣魚舟  
紅塵鞍馬幾時休

八

錦帶吳鉤萬里行  
青雲人物舊知名  
百壺春酒過清明  
渺渺荒陂口  
井路青青楊柳玉  
關情殘陽無語下西陵

九

邊山先生新樂府

卷二

七

陽泉山莊

芳草垂楊長樂坡  
兩行紅粉一聲歌  
淋漓襟袖酒痕多  
夢裏翠翹驚墮枕  
愁邊羅韞見凌波  
春寒春瘦夜如何

十

夢遶桃源寂寞迴  
春殘滋味似秋懷  
多情翻恨酒爲媒  
數點雨聲風約住  
一簾花影月移來  
小欄幽迳獨徘徊

十一 懷李彥深李濟南人  
繡江在長白山下

綠綺紅埃試拂絃  
今人誰與子爭先  
相逢尊酒合留連  
金馬玉堂梁苑客  
岸花汀草繡江船  
舊游回首又三年

十二 新添別緯  
文張兄

欹枕寒鴉處處新  
花前鴈後數歸程  
小紅燈影鬧春城  
兩地相望今夜月  
一尊不盡故人情  
老懷牢落向誰傾

十三 新添

畫出清明二月天山城三月只蕭然閉門日日枕書眠川口  
杏花渾欲雪山中楊柳不成煙春風回首又明年

南鄉子

一雨浣年芳燕燕鶯鶯滿洛陽梨雪漸空桃李過風光恰到  
風流睡海棠何處最難忘楊柳高樓近苑牆喚取分口狂御  
史何妨暫醉佳人錦瑟傍

二

煙草入西州暮雨千山獨倚樓不似秦東亭上飲風流翠袖  
春風兩玉舟事去重回頭却是多情不自由爲向河陽桃李  
道休休青鬢能堪幾度愁

三

風雨送春忙爛醉花時得幾場枝上桃花吹盡也殘芳一片  
遺先生新樂府

卷二

八

陽泉山莊

春風一片香少日爲花狂老去逢春只自傷回首十年歡笑  
處難忘一曲悲歌淚數行

四

少日負虛名問舍求田意未平南去北來今老矣何成一口  
微官誤半生孤影伴殘更萬里燈前骨肉情短髮抓來看欲  
盡天明能是青青得幾莖

五

幽意曲中傳總是才情得處偏唱到斷腸聲欲斷還連一串  
驪珠箇箇圓畫扇綺羅筵韓馬風流在眼前坐上有人持酒  
聽淒然夢裏梁園又一年

六

新添九日同燕中諸  
名勝登瓊口故基

樓觀鬱嵯峨瓊島煙光太乙波真見銅駝荆棘裏摩挲前度

青衫淚更多勝日小婆娑欲賦蕪城奈老何千古廢興渾一  
夢從他且放雲山入浩歌

七 新添飲東原王  
口章郎中家

促坐爛花紅春到梅邊蠟蒂融南去北來何限客誰同酒令  
歌籌醉不供聚散落花風恨煞陵臺望眼中人世只除開口  
笑難逢莫惜金盃到手空

八

花譜得新名一尺紅雲鬢洛京舊說採蓮張靜婉難憑楚潤  
元來更有情楸上艷歌聲虧煞司空自教成前日綠窻今夜  
夢分明宿酒殘妝未五更

謁金門 漕司口齋

羅衾薄簾外五更風惡醉後題詩渾忘却烏啼殘月落憔悴  
遺山先生新樂府

卷二

九

陽泉山莊

何郎東閣宿酒不禁重酌袖裏梅花春一握幽懷無處託

好事近 冬夜有懷

夢裏十年心情味夢廻猶惡枕上數行清淚被驚烏啼落西  
窻瓶水夜深寒梅花瘦如削只有一枝春在問東君留着

朝中措 永寧時作

連延村落竝 步浪反 陽屋川路到山廻竹樹攢成風月溪塘隔

斷塵埃小亭幽圃醲醲未過芍藥初開驢上一壺春酒主人

暮厭頻來

二

盧溝河上度旃車行路看宮娃古殿吳時花草奚琴塞外風  
沙天荒地老池臺何處羅綺誰家夢裏口行燈火皇州依舊  
繁華

三

時情天意任論量樂事苦相妨白酒家家新釀黃花日日重  
陽城高望遠煙濃草淡一片秋光故國江山如畫醉來忘却  
興亡

四

醉來長缺為誰彈憔悴入幽燕一帶秦川如畫夕陽仙人掌空  
閉門邊骯髒骨中魂磊何苦人間匹馬明年西去看君射虎  
南山

五 瑞香

御香新拆紫囊封萬萬綠雲叢開晚只噴寒勒妝成又怕晴  
烘化工也為花中第一薰染偏濃誰有石家紅錦重重圍住  
春風

遺先生新樂府

卷二

十

陽泉山莊

六 新添蔡君美東海名家大父內翰海陵朝以文章顯  
出刺吾州君美以蔭補嘗令湖城晚得見子石桂因  
此為賦

添盆新喜萬家傳滿意擲金錢仙果休噴生晚靈椿最得春  
偏隆顛犀角丹砂一拂玉潤松堅看取翰林枝葉却如東海  
當年

七 新添周帥華  
堂紫牡丹

芳苞初破紫霞盃香動綠雲堆只道人間花盡爭知天上春  
回朝吟暮繞使君情重不厭頻來好把韶華留住莫教百朵  
齊開

八 新添寄楊漕

秋鴻社燕偶相逢鞍馬又西東辜負水南三月安排萬紫千  
紅舊游新夢綠波南浦黃葉西風任是麒麟閣上爭如鸚鵡

孟中

九新添小兒子生適有遺羽陽宮瓦者因以羽陽字之

添丁名字入新收一長看過頭拾得羽陽宮瓦不愁撞透煙樓遺山野客求田問舍夢想南州說甚河東三鳳安排老口班彪

訴衷情

萬人如海一身藏隨例大家忙東華軟紅塵土培口口三郎蘭若寺玉溪莊兩苧堂雞豚鄉社鷺鴨比鄰好箇崧陽

二

升平責望富民侯愁損抱官囚自家本無煩惱處要鑽頭山崦寺水心樓去來休醉歸扶路鼓吹鳴蛙部曲黃牛

三

遺吳生新樂府

卷二

七

陽泉山莊

行齋活計五車書真欲釜生魚天公也相料理新得掌中珠看驥子弄鷓雛最憐渠青衫竹馬後日迎門好箇高閣

撒破浣溪紗

新添代贈仲經所親

錦瑟華年燕子樓楚雲湘雨等閑休留在貞元供奉曲儘風流約略睡痕妝鏡晚留連香韻瑣窻秋總道竹西歌吹好去來休

秋色橫空

松液香凝澹幽姿一洗若下宜城甘腴小苦中山賦千古齒頰春生燈花喜缸面清愛竹港冰泉落枕聲恰值劉綱夫婦此日丹成雲峰翠展畫屏更口樓水閣樹擁煙橫留連光景中年要歌管陶寫襟靈人間世外名笑朝馬晨鐘夢身驚且留看神仙白晝地行

人無百年人枉作千年計  
傀儡棚頭看過幾場興廢  
朱顏易改可惜歡娛地  
勸君酒唱君歌爲君醉  
滄溟一葉正在橫流際  
阮籍途窮啼得血流何濟  
天公老大不管人間世  
莫莫休莫莫問甚底

漁家傲 新添

午醉醒來春欲去  
鶯兒燕子都無語  
好箇一春行樂處  
花無數寶釵貫酒花前舞  
十里驛亭楊柳樹  
多情折斷青青縷  
春到去時留不住  
留不住西城日日風和雨

喜遷鶯 新添

雲雷天造快嫖姚  
玉節生平豪妙  
野宿貔貅江橫組練  
畫角一聲霜曉  
魚鳥箇書知畏草木  
威名先到更誰似  
並虎頭飛將封侯  
差早談笑尊俎地  
兵衛畫戟燕寢凝香  
好伏櫪雄心缺壺高唱  
意氣不妨傾倒父子一門  
忠力唯有君恩須報濟時  
了看郎山長對元勳難老

遺山先生新樂府

卷二

七

陽泉山莊

遣山先生新樂府卷第三

無錫後學華希閔豫原核

平定後學張穆頤洲重核

鷓鴣天

隆德故宮同希頤  
欽叔知幾諸人賦

臨錦堂前春水波蘭皋亭下落梅多三山宮闕空瀛海萬里  
風埃暗綺羅雲子酒雪兒歌留連風月共婆娑人間更有  
傷心處奈得劉伶醉後何

二 木犀

桂子紛翻迥露黃桂花高韻靜生芳薔薇水潤宮衣軟婆律  
高清月殿涼雲岫句海仙方情緣心事兩難忘衰違枉誤  
秋風客可是無塵袖裏香

三 蓮

遣山先生新樂府

卷三

陽泉山莊

瘦綠愁紅倚暮煙露華涼冷沈嬋娟含情脈脈知誰怨顧影  
依依定自憐風送雨水連天凌波無夢夜知年何時北渚  
亭邊月狼藉秋香拂畫船

四

零落棲遲感興多酒盃直欲捲銀河人間青鏡悲華髮世外  
仙槁爛斧柯長袖舞抗音歌月明人影兩婆娑醉來知被  
傍人笑無奈風情未減何

五

總道忘憂有杜康酒逢歡處更難忘桃紅李白春千樹古是  
今非笑一場歌浩蕩墨淋浪銀釵縞被滿鄰牆百年得意  
多能幾乞去聲與兒曹說醉狂

六

中秋飲倪文仲家蓮花  
白醉中同李仁欽賦

月窟秋清桂葉丹  
仙家釀熟水芝殘  
香來寶地三千界  
露入金莖十二槃  
天澹澹夜漫漫  
五湖豪客酒腸寬  
醉來獨跨蒼鸞去  
太華峰高玉井寒

七

少日驪駒白玉珂  
靈砂犀角費頻磨  
西城燈火長安夢  
滿意春風似兩坡  
流素月澹秋河  
百年狂興一聲歌  
醉歸扶路人應笑  
頭上花枝奈老何

八 與欽叔京甫市飲

樓上歌呼倒接羅  
樓前分手却相攜  
雨前雨後花枝滅  
州北州南酒價低  
憐木鴈笑醜雞  
鶴長鳧短幾時齊  
醒來門外三竿日  
卧聽春泥過馬蹄

九

豐山先生新樂府

卷三

二

陽泉山莊

拍塞車箱滿載書  
梁鴻元與世相疎  
只緣攜手尋歸計  
不恨埋頭屈壯圖  
蒼玉硯古銅壺坐  
看兒輩了耕鋤  
年年此日如川酒  
千尺青松儘未枯

十

長恨簫聲隔粉牆  
爭教移住五雲鄉  
一溪春水關何事  
流出桃花賺阮郎  
風攬夢月侵牀  
情緣消得海生桑  
鴛鴦不鎖黃金殿  
雌蝶雄蜂枉斷腸

十一 效朱希真體

十步宮香出繡簾  
惱人簾底月纖纖  
五花驕馬垂楊渡  
辜負仙郎側帽簷  
秋澹澹酒厭厭  
新詩和恨入香奩  
相思恰似鴛鴦錦  
一夜新涼一夜添

十二 宮體八首

候館燈昏雨送涼小樓人靜月侵牀多情却被無情惱今夜  
還如昨夜長 金口煖玉爐香春風都屬富家郎西園何恨  
相思橫辛苦梅花候海棠

十三

翡翠鴛鴦不自由鏡中鸞舞只堪愁庭前花是同心樹山上  
泉分兩下流 金絡馬木蘭舟誰家紅袖水西樓春風殢殺  
官橋柳吹盡香綿不放休

十四

天上畧支說館姓眼中金翠有芳華行雲着意留歌扇遠柳  
無情隔鈿車 周昉畫洛陽花數枝濃艷落誰家春寒恨殺  
如年夜庭樹陰陰欲暮鴉

十五

遺山先生新樂府 卷三 三 陽泉山莊  
小字繚綾寫欲成印來眉黛綠分明水流刻漏何曾住玉作  
彈碁儘未平 愁易積夢頻驚閑衾歌枕覺霜清月明不放  
寒枝穩夜夜烏啼徹五更

十六

自在晴雲覆苑牆徘徊明月駐清光已看紅口霑口酒猶認  
宮螺映綺窻 金翡翠繡鴛鴦春風花煖柳綿香殺勸未口  
閑情賦不願將身作枕囊

十七

複幕重簾錦作天金壺銀燭夜如年漢臯解珮終疑夢縵嶺  
吹笙恰是仙 花一夢柳三眠春風無意惜芳妍羅裙細看  
輕盈態元在畧支阿那邊

十八

八繭吳蠶剩欲眠東西荷葉兩相憐一江春水何年盡萬古  
清光此夜圓花爛錦柳烘煙韶華滿意與歡緣不應寂寞  
求凰意長對秋風泣斷絃

十九

好夢初驚百感新誰家歌管隔牆聞殘燈收罷空明月臘雪  
消融更暮雲鶯有伴鴈離羣西窗寂寞酒微醺春寒留得  
梅花在剩爲何郎瘦幾分

二十 效東坡體

煑酒青梅入座新姚家池館宋家鄰樓中燕子能留客陌上  
楊花也笑人梁苑月洛陽塵少年難得是閑身殷勤昨夜  
三更雨乘醉東城一日春

二十一

遣山先生新樂府

卷三

四

陽泉山莊

酒興濃於琥珀濃爭教相望水西東人家寒食清明後天氣  
輕煙細雨中花不盡柳無窮賞心難是此時同阿連近日  
歌喉穩唱得春宵燭影紅

二十二

短髮如霜久已拚無冠可挂更須彈初聞古寺多偃鬼又說  
層冰有熱宮閑處坐靜中看時情天意酒杯乾籬邊老却  
陶潛菊一夜西風一夜寒

二十三

華表歸來老令威頭皮留在姓名非舊時逆旅黃梁飯今日  
田家白板扉沽酒市釣魚磯愛閑真與世相違墓頭未要  
征西字元是中原一布衣

二十四

拋却浮名恰到閑却因猥懶得顛頂從教道士誇懸解未信  
禪和會熟謾山院靜草堂寬一壺濁酒兩蒲團題詩寄與  
王夫子乘興時來看藥欄

二十五

只近浮名不近情且看不飲更何成三盃漸覺紛華遠一斗  
都澆魄磊平醒復醉醉還醒靈均憔悴可憐生離騷讀殺  
渾無味好箇詩家阮步兵

二十六

枕上清風午夢殘華胥東望海漫漫湖山似要閑身管花柳  
難將病眼看三徑在一枝安小齋容膝有餘寬鹿裘孤坐  
千峰雪耐與青松老歲寒

二十七

村裏黃香綈家中  
白侍郎石曼卿句

嵩先生新樂府

卷三

五

陽泉山莊

總道狙公不易量朝三暮四儘無妨舊時鄴下劉公幹今日  
家中白侍郎歌浩蕩酒淋浪浮雲身世兩相忘孤峰頂上  
青天闊獨對春風舞一場

二十八

白白紅紅小樹花春風滿意與鉛華煙宵自屬千金馬月且  
眞成兩部蛙諸葛菜邵平瓜白頭孤影一長嗟南園睡足  
松陰轉無數蜂兒趁晚衙

二十九

偃蹇蒼山卧北岡鄭莊場圃入微茫卽看花樹三春滿舊數  
松風六月涼蔬近井蜜分房爭齋堅坐有藜牀傍人錯比  
揚雄宅笑煞韓家畫錦堂

三十

薄命妾辭三首

複幕重簾十二樓而今塵土是西州香雲已失金鈿翠小景  
猶殘畫扇秋 天也老水空流春山供得幾多愁桃花一簇  
開無主儘着風吹雨打休

三十一

顏色如花畫不成命如葉薄可憐生浮萍自合無根蒂楊柳  
誰教管送迎 雲聚散月虧盈海枯石爛古今情鴛鴦雙影  
江南岸腸斷枯荷夜雨聲

三十二

一日春光一日深眼看芳樹綠成陰娉婷盧女嬌無奈流落  
秋娘瘦不禁 霜塞關海煙沉燕鴻何地更相尋且教會得  
琴心了辭盡長門買賦金

三十三

馮先生新樂府

卷三

六

陽泉山莊

玉立芙蓉鏡裏看鉛紅無地着邊鸞半衾幽夢香初散滿紙  
春心墨未乾 深院落曲欄千舊歡新恨紵衣寬幾時忘得  
分攜處黃葉疎雲涓水寒

三十四

百轉嬌鶯出畫籠一雙胡蝶帶芳叢蔥龍花透織纖月點澹  
香搖細細風 情不盡夢還空歡緣心事淚痕中長安西望  
腸堪斷霧閣雲窻又幾重

三十五

新添山陽七聖堂

沙岸縈回入草泥霜餘煙景自悽迷樹嫌川近重重掩雲罅  
村深故故低 茅蓋屋稻分畦何人今日此幽棲十年來往  
山陽道只道清溪過馬蹄

踏莎行

微步生塵殘妝暈酒朱門如海空回首東風正有去年華柔  
條去作誰家柳 細雨春寒燈青夜久孤衾未煖還分手夢  
中見也不多時怎生望得長相守

玉樓春

吹臺蕭瑟行雲暮一片雨聲連禁樹正當潘岳感秋時不到  
杜陵懷古處 百年同是紅塵路行近醉鄉差有趣坐中誰  
是獨醒人我醉欲眠卿可去

桃源憶故人 代贈良佐所新

楚雲不似陽臺舊只是無心出岫竹外天寒翠袖寂寞啼妝  
瘦 絃聲宛轉春風手殢得行人病酒明日西城回首腸斷

江南柳

虞美人 題蘇小小圖

遺山先生新樂府

卷三

七

陽泉山莊

桐陰別院宜清晝入座春山秀美人圖子阿誰留都是宣和  
名筆內家收 鶯鶯燕燕分飛後粉淡梨花瘦只除蘇小不  
風流倒插一枝萱草鳳釵頭

一

櫻桃元是仙郎種次第芳菲動開殘山杏沒都紅一樹梨花  
如雪月明中 三生蝶化南華夢只有情緣重曲欄幽徑小  
簾櫳好共掃眉才子管春風

小重山

醉盡春風意未闌纏頭雙鳳錦覓端端多情胡蝶送歸鞍揚  
州夢芍藥薦金槃 羅幌酒醒寒燈前朱廚淺翠螺殘一春  
心事約衣寬青鸞客樓外日三竿

酒冷燈青夜不眠寸腸千萬里兩相牽鶯鷺秋雨半池蓮分  
飛苦紅淚曉風前天遠鴈翩翩鴈來人北去遠如天安排  
心事待明年無情月看待幾時圓

定風波

白水口田萬頃秋風煙平楚散羊牛莫放相公黃閣去留取  
笑談尊俎也風流華表仙人人不識今夕鹿車也到百花  
州好把襄江都釀酒爲壽壽星光彩動南州鄧帥漆水公壽  
在焉大有道術  
時年九十三矣

二

白髮相看老弟兄恨無一語送君行至竟交情何處好向道  
不如行道本無情少日龍門星斗近爭信淒涼湖海寄餘

生者舊風流誰復似從此休將文字占時名楊叔能將歸涇州與子別於山

遺先生新樂府

卷三

八

陽泉山莊

陽作鷓鴣詞留贈云解后梁園對榻眠舊游回首一淒然當時好客誰爲最李趙風流兩謫仙眉接棟椽鄰田與君詩酒度口年飄零南北如相避開歲還分墟上家因用其意答之李趙謂開閉公與屏山

三 鄉光武廟懷故八劉公景玄

熊耳東原漢故宮登臨猶記往年同底事愛君詩句好解道  
河山浮動酒盃中存沒悠悠三十載誰會白頭孤客坐書  
空黃上英雄何處在須待醉尋蕭寺哭春風

四

離合悲歡酒一壺白頭紅頰醉相扶見說德星今又聚何處  
范家亭上會周吳造物有情留此老人道洛西清燕百年

無六客不爭前與後好口龍眠老筆畫新圖承寧范使君園亭會汝南周國

器汾陽任亨甫北燕吳子英趙郡蘇君顯潘川李德之用東坡體擬六客詞

五 新添兒字中百晬日作

五色蓮盆玉雪肌青搽紅抹總相宜且道生男何足愛爭奈  
隆顛犀角眼中稀 六十平頭年運好投老大兒都解把鈿  
翠醉眼看花驢肯上豪放阿齡扶路阿中隨

六 新添

何處如今更有詩爭教風鬢見橫枝詩到梅邊誰最似除是  
玉顏寂寞酒清時 爲向雲間公子道聞早安排歡賞惜幽  
姿 日留花花未遇容我醉圍紅袖寫烏絲

一 落索 歲王同年鼎玉

人見何郎新來瘦不見天寒翠袖繡被薰香透幾時却似鴛  
鴦舊 九十日春光在手可惜歡緣未久去去休回首柔條  
去作誰家柳

採桑子

遵山先生新樂府

卷三

九

陽泉山莊

兒家門戶重重掩郎住牆東枉破春工萬紫千紅一夜風  
伯勞分背西飛燕何日相逢縱得相逢海關天高處處同

婆羅門引

四首 望月

素蟾散彩九秋風露發清妍嫦娥儘有情緣留着三五盈盈  
永夜照憑肩看脫妝臨鏡若箇嬋娟 尋常月圓恨都向別  
時偏幾度郵亭枕上野店尊前珠明玉秀算一日相看一日  
仙人共月長似今年

二 新添過孟津 河山亭故基

短衣匹馬白頭重過雒陽城百年一夢初驚寂寞高秋雲物  
殘照半林明澹橫舟古渡落鴈寒汀 河山故亭人與鏡兩  
睜矇爭信黃墟此日深谷高陵一時朋輩謾留在窮途阮步  
丘尊俎地誰慰飄零

三 新添兗州龍興閣感寓

嶧山霽雪九層飛，觀鬱崢嶸風煙畫出，新亭老眼來今往古。天地兩無情，但浮雲平野，短日燕城。酒狂步兵書與劍，此飄零為問雲間雞犬。幾度丹成，停盃不語，竟何用千秋身後名。休自倚湖海平生。

四 新添亦名菊潭秋

商於六里野潭千古口，煙霞靈苗鬱鬱無涯，浩蕩青冥風露。金素發清華，散霜叢彌岸，月影明沙。仙經浪誇種瑶草，養鉛砂爭信瓊盃芳薦。藥鏡黃芽，秋香晚節，也分到山中宰相家。休更羨劉阮桃花。

梅花引

牆頭紅杏粉光勻，宋東鄰見，郎頻腸斷城南消息未全真。拾遺山先生新樂府，卷三，十，陽泉山莊。

得楊花雙淚落，江水闊，年年燕語新。見說金娘埋恨處，蒺藜沙草不知春。離魂一雙鴛鴦去，寂寞誰親，唯有因風委露。託清塵，月下哀歌宮殿古，暮雲合，遙山入翠巒。

二 新添同張仲經楊飛卿賦青梅

綠華仙，萼綠雲，間雪消殘，擁香口，隨意輕勻，淺注儘，高閑向道是梅剛，不信更誰占，東風最上番。韻絕秀絕，香又絕，恨千山復千山，才情似記，何郎句，清淚班班，寂寞孤村，籬落小溪灣，脩竹蕭蕭，霜月苦，好留與青綾護曉寒。

品令

幽齋向曉，窻影動人聲，悄夢中行處，數枝臨水，幽花相照，把酒長歌，猶記竹間啼鳥。風流易老，更常被閑愁惱。年年春事，大都探得，歡游多少。一口狂風，又是海棠過了。

惜奴嬌

畫扇高秋恨塵暗秦王女  
澗東城春煙綠樹燕子來時應解  
說征鞍處記取未忘得蘭膏香聚  
枕上新聲斷腸是江南  
句更行雲無心也住未了情緣算  
惟有相將去去枉輕負梨  
花暮雨

樂府烏衣怨

舊名點絳脣

香冷雲兜後期紅線知何許  
謝家兒女解得辭巢語  
畫棟珠簾恨不經年住  
忽忽去岸花汀樹寂寞瀟湘雨

八二

繡佛長齋半生枉伴蒲團過  
酒壚橫卧一蹴虛空破  
頗笑張顛自謂無人和  
還知麼醉鄉天大口我神仙我

江城子

十六首  
賦牡丹

遺山先生新樂府

卷三

上

陽泉山莊

姚家池館魏家鄰  
一番春姓名新傾國傾城爲雨復爲雲  
水北水南無別物  
金屑粉麝香塵  
折枝圖上看精神  
見來頻畫來真辦作黃徐  
無負百年身也待不來花下醉  
嫌笑殺洛陽人

二 傲花間體詠海棠

蜀禽啼血染冰縷  
趁花期占芳菲翠袖盈盈疑笑弄晴暉  
比盡世間誰得似  
飛燕瘦玉環肥  
一番風雨未應稀  
怨春遲怕春歸恨不高張紅錦  
百重圍多載酒來連夜看  
嫌化作彩雲飛

三 鈞壇見嚴光傳

醉來長袖舞雞鳴  
短歌行壯心驚  
西北神州依舊一新亭  
三十六峰長劍在  
星斗氣鬱崢嶸  
古來豪俠數幽并  
鬢星星

竟何成他日封侯編簡爲誰青一  
掬釣魚壇上淚風浩浩雨

冥冥  
四 寄德新文

春風花柳日相催浙江梅臘前開開徧山桃恰口口醉醺商  
嶺東來三百里紅作陣綠成堆 半山亭下釣魚臺拂層崖  
坐蒼苔林影湖光佳處兩三盃恨殺玉溪王老子忙箇甚不  
同來

五 送人歸舊居

草堂蕭灑浙江頭傍林丘買扁舟隔岸紅塵無路近沙鷗枕  
上有書樽有酒身外事更何求 暮雲歸鳥仲宣樓樊貂裘  
爲誰留千古書生那得盡封侯好在半山亭下路聞未老去  
來休

遣山先生新樂府

卷三

七

陽泉山莊

六 賦芍藥揚州紅

司花着意壓春鬼綠雲堆擁香來冉冉紅鸞十步一徘徊花  
到揚州佳麗種金作屋玉爲堦一作臺 門前鼙鼓揭春雷倚  
妝口儘人催鶯語丁寧空遶百千迴不道惜花人欲去看直  
待幾時開

七 內鄉縣麻芳菊堂前大醉醺架芳香絕異常年間時  
人有見素衣美婦迨視之無有也或者以爲花神故  
之記

纖條嫋嫋雪蘆龍翠陰重煖香融想是春工滿意與薰醲百  
畹種蘭千畝蕙都辦作一簾風 花開人似玉芙蓉月明中  
不瑤宮只恐行雲歸去捲花空剩着瓊盃斟曉露留少住莫  
慙慙

八 崧山中作

衆人皆醉屈原醒笑劉伶酒爲名不道劉伶久已笑螻蛄死  
葬糟丘殊不惡緣底事赴清冷 醉鄉千古一升平物忘情  
我忘形相去羲皇不到一牛鳴若見三閭憑寄語尊有酒可  
同傾

九

二更轟飲四更廻冥繁臺盡鄒枚誰念梁園回首便成灰今  
古廢興渾一夢憑底物寄悲哀 青天蕩蕩鏡奩開月光來  
且徘徊何用東生西沒苦相催世事悠悠吾老矣歌一曲盡  
餘盃

十 夢德新丈附及欽叔  
舊游河山亭在口口

河山亭上酒如川玉堂仙重留連尤恨春風桃李負芳年長

記鶯啼花落處歌扇後舞衫前 舊游風月夢相牽路三年

澶山先生新樂府 卷三 三 陽泉山莊

去無緣滅沒飛鴻一線入秋煙白髮故人今健否西北望一

潛然

十一 劉濟川來別同宿會康夢與予過田家飲行及太  
原作此爲寄濟川口昌諸孫在口上時乃與伯玉

知錢  
游從

來鴻去鴈十年間鏡中看各衰顏恰待蒙泉東畔買青山夢

裏鄰村新釀熟攜竹杖款柴關 人生誰得老來閑記清歡

見君難長路悠悠回首暮雲還斷嶺不遮南望眼時爲我一

憑欄

十二 觀別

旗亭誰唱渭城詩酒盈卮兩相思萬古垂楊都是折殘時舊  
見青山青似染綠底事淡無姿 情緣不到木腸兒鬢成絲  
更須辭只恨芙蓉秋露冷臙脂爲問世間離別淚何日是滴

休時

十三

河堤煙樹渺雲沙七香車更天涯萬古千秋幽恨入琵琶想  
到都門南下望金縷暗玉釵斜津橋春水浸紅霞上陽花  
落誰家獨恨經年培養牡丹芽寒鴈歸時憑寄語莫容易損  
容華

十四

行雲冉冉度關山別時難見時難悵望南風早晚送雲還心  
事情緣千萬劫無計解玉連環夕陽入影小樓閑曲闌干  
晚風寒料得而今前後望歸鞍寂寞梨花枝上雨人不見與  
誰彈

十五

遺出先生新樂府

卷三

十四

陽泉山莊

杏花開過雪成團惜朱顏負清歡只道今年春意已闌珊却  
是地偏芳信晚紅數點小溪灣碧壺香供挽春還一枝閑  
淡相看月落山空誰與護朝寒傳語春風留客好莫容易便  
吹殘

十六

東原幕府諸公送予西  
湖行及陽穀作此爲寄

江山詩筆仲宣樓弊貂裘儘風流獨恨煙花三月出東州愛  
煞津亭亭口口無一語只相留來鴻去燕兩悠悠別離愁  
幾時休得似孤城春水一沙鷗寄謝西湖追送客分手地莫  
回頭

遺山先生新樂府卷第三

遺山先生新樂府卷第四

無錫後學華希閔豫原核

平定後學張穆頤洲重核

清平樂

杏花

香團嬌小拍拍知多少一樹鉛華春事了消甚珠圍翠繞  
生紅鬧簇枯枝只愁吹破胭脂說與東風知道杏花不看開  
時

二 游少室清微宮雪後

溪頭來去坐卧沿溪樹管甚人間無着處已被白雲留住  
生平不置肝腸只今物我都忘說與山中魚鳥相親相近何  
妨

三 秦山上作

遺山先生新樂府

卷四

陽泉山莊

江山殘照落落舒清眺澗壑風來號萬竅盡入長松悲嘯  
井蛙瀚海雲濤醯雞日遠天高醉眼千峰頂上世間多少秋  
毫

四 罷鎮平歸西山草堂

垂楊小渡處處歸鞍駐八十田翁良愧汝把酒千言萬語  
細俟竹馬相從笑渠奔走兒童十里村簫社鼓依然傀儡棚  
中

五

離腸宛轉瘦覺妝痕淺飛去飛來雙語燕消息知郎近遠

樓前小雨珊瑚海棠簾幕輕寒杜宇一聲春去樹頭無數青

山

六

蘭膏香聚醉枕聞低語一刻春宵流水去訴得離情幾許  
桃花紅淺紅深五年煙草歸心留得一枝春在爭教綠葉成  
陰

七

香凝嬌聚玉立臨春樹細看司花留意處都在輕勻淺注  
相逢南陌東城有情只似無情說與新來憔悴鶯兒不解丁  
字

八 憶鎮陽

悲歌聚散世事天誰管梳去梳來雙鬢短鏡裏看看雪滿  
燕南十月霜寒孤身去住都難何日西窗燈火眼前兒女團  
圓

九

遺山先生新樂府

卷四

二

陽泉山莊

丹書碧字細說金華事試問誰邊堪舉似除却青蓮居士

胎仙八表冷風爭教低首樊籠夢裏雲裝煙駕倚天壇影西  
東

十 嘲兒子日

嬌鶯姪姪解說三生話試看青衫騎竹馬若箇張萱許畫  
西家撞透煙樓東家談笑封侯莫道元郎小小明年部曲黃  
牛

十一 贈句龍英孺家中女子阿瓊

瓊枝瑤草來自三山島莫道生男堪慰老掌上金兒更好  
燕脂杏蕾生紅繡襦學弄春風好共蘭蘭楚楚畫教七巧圖

中

十一 光甫副使壽席鵝  
雜指渠兒子阿咳

春風傾倒京雒春回早走馬章臺人未老金翠鸚鵡更好  
安排美景良辰放教花柳攬新誰似君家池館又添丹桂靈  
椿

十三 已亥春濟原奉  
先觀付杏花

小橋流水一逕脩篁裏走馬章臺人老矣只愛明窗淨几  
杏花白白紅紅花時日日狂風不是碧壺香俱真成惱破春  
工

浪淘沙

詩句入冥搜欲寫還休人間情是阿誰留千丈游絲不落地  
風外悠悠 煙雨晚山稠入倚西樓衡陽歸鴈滿沙頭一種  
江城寒夜客一種春愁

遺山先生新樂府

卷四

三

陽泉山莊

雲外鳳凰簫天上星橋相思魂斷欲誰招瘦煞三山亭畔柳  
不似宮腰 長日篆煙消睡過花朝紅蕖微架碧芭蕉雌蝶  
雄蜂天不管各自無聊

三

春瘦怯春衣春思低迷雨聲偏與睡相宜懊惱離愁尋殢酒  
已被愁知 煙樹望中低水繞山圍丁字雙燕語心期昨夜  
狂風花在否明日郎歸

四

金翠畫屏山萬髻千鬟桃源樓閣五雲間恨煞芙蓉城下客  
不借青鸞 風雨杏花殘芳意都闌一燈孤影小窗閑繡被  
薰來香欲盡只是春寒

五 爲煙中樹作

楊柳日三眠桃李爭妍千金誰許占芳年買得閑愁無着處  
却恨春偏 流水武陵源夢引愁牽東風歸興燕翩翩試問  
西窗前夜月幾度嬋娟

西江月

懸玉微風度曲薰爐熟水留香相思夜夜鬱金堂兩點春山  
枕上 楊柳宜春別院杏花宋玉鄰牆天涯春色斷人腸更  
是高城晚望

古烏夜啼

玉簪

花中閑遠風流一枝秋只在十分清瘦不禁愁 人欲去花  
無語更遲留記得玉人遺下玉搔頭

八月圓

玄都觀裏桃千樹花落水空流憑君莫問清涇濁渭去馬來  
遺出先生新樂府

卷四

四

陽泉山莊

牛 謝公扶病羊曇揮涕一醉都休古今幾度生存華屋零  
落山丘

二卜居外家東園

重岡已隔紅塵斷村落更年豐移居要就窗中遠岫舍後長  
松 十年種木一年種穀都付兒童老夫唯有醒來明月醉  
後清風

沁園春

除夕二首

腐朽神奇夢幻吞侵朝昏變遷悵殘燈舊歲雞聲競早春風  
歸興鴈影相先南渡崩奔東屯留滯世事悠悠白髮邊虛名  
誤徧人間浪走恰到求田 青紅花柳爭妍意醉眼天公也  
放顛更雲雷怒捲頰波一注冰霜冷看老檜千年園令家居  
陶潛官罷無酒令人意缺然教口去付青山枕上明月尊前

再見新正去歲逐貧今年送窮算公田二頃誰如元亮吳牛  
十角未比驅蒙面目堪憎語言無味五鬼行來此病同藎鹽  
裏似揚雄寂寞韓愈龍鍾 何人炮鳳烹龍且莫笑先生飯  
甑空便來朝看鏡都無勳業拈將詩筆猶有神通花柳橫陳  
江山呈露盡入經慘澹中閑身在看薄批明月細切清風

太常引

五雲樓觀日華東看天上建章宮入海混魚龍比自古中原  
更雄 紫垣星月禁階燈火朝馬鬧晨鐘一夢轉頭空恍猶  
在邯鄲道中

二

渚蓮寂寞倚秋煙幽思入哀絃高樹記離筵似昨日郵亭道  
邊先生新樂府

卷四

五 陽泉山莊

邊 白頭青鬢舊游新夢相對兩淒然驕馬弄金鞭也曾是  
長安少年

三

官街楊柳絮飛忙鞍馬送年芳詩興更教狂算能醉花前幾  
場 滿城桃李一枝香雪不屬富家郎風雨沒商量快來與  
梨花洗妝

四

東原上清宮同楊飛卿夜話  
汝梁舊遊追懷飲叔內翰

十年流水共行雲相見重情親滄海坐揚塵便疑是前身後  
身 風臺月謝舞裙歌扇樂事幾回新莫話洛陽春更誰似

金鑿故人

五

寄酒泉帥張奧子明子明鄂  
陽關去酒泉百里而遠故云

田園松菊自由身鞍馬老紅塵鴉鴨惱比鄰算未羨凌煙寫

眞花時風雨長年哀樂白髮爲誰新休唱渭城春怕憶着西州故人

六

水光林影入憑欄花柳占春寬三月錦成團爲洗盡山陰暮寒  
玉峰詩老爲君吟嘯不醉有餘歡人物後來看口畫作臨流幼安

七

東園歌管日相娛佳釀出兵廚陶寫在桑榆便鶴到揚州未如  
歌紅濃露綠陰清吹長口下樓居高枕卽吾廬更何待將軍報書

水龍吟

少年射虎名豪等閑赤羽千夫膳金鈴錦領平原千騎星流  
遺山先圭新樂府

卷四

六

陽泉山莊

電轉路斷飛潛霧隨騰沸長圍高掩看川空靜旌旗動色  
得意似平生戰城月迢迢鼓角夜如何軍中高宴江淮草  
木中原狐兔先聲自遠蓋世韓彭可能只辦尋常鷹犬問元  
戎早晚鳴鞭徑去解天山箭

二中秋

舊家八月池臺露華涼冷金波漲寧王玉笛霓裳仙譜涼州  
新釀一枕開元夢悅猶記華清天上對昆明火冷逢萊水淺  
新亭淚空相向爛熳東原此夕夜如何高秋空曠一杯徑  
醉憑君莫問今來古往萬里孤光五湖高興百年清賞倩何  
人喚取飛瓊佐酒作穿雲唱

三中秋

素丸何處飛來照人只是承平舊兵塵萬里家書三月無言

搔首幾許光陰幾回歡聚長敘分手口婆娑桂樹多應笑我  
憔悴似金城柳 不愛竹西歌吹愛空山玉壺清畫尋常夢  
裏膏車盤谷挈舟方口不負人生口來唯有中秋重九願年  
年此夕團欒兒女醉山中酒

四 同德秀游盤谷

接雲千丈層崖古來此地風煙好青山得意十分濃秀都將  
傾倒可恨孤峰幾回空見松筠枯槁自都門送別膏車秣馬  
誰更問一作盤中道 我愛陂塘南畔小川平橫岡廻抱野  
麋山鹿平生心在長林豐草婢織奴耕歲時供我酒船茶竈  
把人間萬事從頭放下只山間老

五

百年同是行人醉鄉獨有歸休地此心安處良辰美景船船  
遺先生新樂府

卷四

七

陽泉山莊

稱遂力士鎗頭舒州杓畔不妨遊戲算爲狂爲隱非狂非隱  
人誰解先生意 莫笑糊涂老眼幾回看紅輪西墜一杯到  
手人問萬事俱然少味范蠡張良儘他驚怪陳搏貪睡且陶  
陶兀兀今朝醉了更明朝醉

六 東園醉後

兩年金鳳城邊等閑又見東風菜侯門慣客東園高宴青雲  
飛蓋水上幽亭恍然真似蘭舟同載望紅樓翠壁青田白鷺  
誰信是山陰塞 鬱鬱林梢紫動便安排春來天外醉魂搖  
蕩尊前何恨狂香浩態高枕吾廬倒衣命駕心期長在爲使  
君料理潘郎老鬢儘花枝戴

七

漢家金粟堆空玉花驚見天池種并州畫角危腸淒斷清霜

曉弄世事浮雲白衣蒼狗知誰搏控恨北平老守南山夜獵  
風雨暗貂裘重 總道煙霄失路意平生依然飛動高城置  
酒汾流澹澹無言目送寶劍千金儘堪傾倒玻璃春甕問波  
聊剩借橫江組練挽青絲夢

眼兒媚

阿儀醜筆學雷家遶口墨糊塗音茶今口解道疎籬凍雀遠樹

昏鴉 乃公行坐文書裏面皺鬢生華兒郎又待吟詩寫字  
是甚生涯

木蘭花慢

孟津官舍寄欽若欽用昆弟并長安故人

流年春夢過記書劍入西州對得意江山十千沽酒著處歡  
游興亡事天也老儘消沉不盡古今愁落日霸陵原上野煙  
凝碧池頭 風聲習氣想風流終擬覓兔裘待射虎南山短  
遣先生新樂府

卷四

八

陽泉山莊

衣匹馬騰踏清秋黃塵道何時了料故人應也怪遲留只問  
寒沙過鴈幾番王粲登樓

二

擁都門冠蓋瑤口秀轉春暉懷華屋生存山丘零落事往人  
非追口舊家誰在但千年遼鶴去還歸繫馬鳳凰樓柱倚弓  
玉女窻扉 江頭花落亂鶯飛南望裏依依渺天際歸舟雲  
間汀樹水繞山圍相期更當何處算古來相接眼中稀寄與  
蘭成新賦也應爲我沾衣

三

賦招魂九辨一尊酒與誰同對零落棲遲興亡離合此意何  
窮恩恩百年世事意功名多在黑頭公喬木蕭蕭故國孤鴻  
澹澹長空 門前花柳又春風醉眼眩奇紅問造物何必村

簫社鼓奔走兒童天東故人好在莫生平豪氣滅元龍夢到  
琅邪臺上依然湖海沉雄

四

對西山搖落又匹馬過并州恨秋鴈年年長空澹澹事往情  
留白頭幾回南北竟何人談笑得封侯愁裏狂歌濁酒夢中  
錦帶吳鉤 巖城笳鼓動高秋萬竈擁貔貅覺全晉山河風  
聲習口未滅風流風流故家人物慨中宵拊枕憶同遊不用  
聞雞起舞且須乘月登樓

五 遊三臺二首

擁巖巖雙闕龍虎氣鬱崢嶸想暮雨珠簾秋香桂樹指顧臺  
城口口爲誰西望但哀絃淒斷似平生只道江山如畫爭教  
天地無情 風雲奔走十年兵慘澹入經營問對酒當歌曹  
遺山先生新樂府 卷四 九 陽泉山莊

六

渺漳流東下流不盡古今情記海上三山雲間雙闕當日南  
城黃星幾年飛去澹春陰平野草青青冰井猶殘石甃露漿  
已失金莖 風流千古短歌行慷慨缺壺聲想灑酒臨江賦  
詩鞍馬詞氣縱橫飄零舊家王粲似南飛烏鵲月三更笑煞  
西園賦客壯懷無復平生

七 送親家又問夢網

又東門送客側身西望長嗟算萬里功名幾番風雨何限雲  
沙相看已過半百甚年年各在一天涯秋氣偏催過鴈疎煙  
細點歸鴉 旌旗未卷鬢先華清淚落悲笳問蜀道登天錦

城雖好得似還家關心老來婚嫁要與余鄰屋共煙霞到口  
征西車馬輸他杜曲桑麻

八 送取新歸隱山陽  
兼簡王川同社

澹西園暮景對別酒惜臨分愛襖被中臺挂冠神武誰得如  
君紛紛道途鞍馬甚當時王祭也從軍處處驚烏夜月年年  
落鴈橫汾 菟裘老計在耕耘風口出塵氛記沁北丹東松  
枯石潤菊秀蘭薰林泉竟輸先手漫回頭慚愧玉山雲寄謝  
雞豚社客草堂未要移文

九 贈吹簫者張嘴兒  
乃婦田氏合曲賦此

要新聲陶寫奈聲外有聲何陰銀字安清珠繩瑩滑怨感相  
和風流故家人物記諸郎吹管念奴歌落日邯鄲老樹秋風  
太液滄波 十年燕市重經過鞍馬宴鳴珂趁飢鳳微吟嬌  
遣山先生新樂府 卷四 十 陽泉山莊  
鶯巧囀紅卷鈿螺纏頭斷腸詩句似鄰舟一聽惜蹉跎休唱  
貞元舊曲向來朝土無多

遣山先生新樂府卷第四

遺山先生新樂府卷第五

臨江仙

留別郝和之

昨日故人留我醉今朝送客西歸古來相接眼中稀青衿同  
舍樂白首故山違 九萬里風安稅駕雲鵬悔不卑飛回頭  
四十七年非何因松竹底茅屋老相依

鷓鴣天

宿趙州

宿酒消來睡思輕夢中身世可憐生綠衿紅燭櫻桃宴畫角  
黃雲細柳營 秋厯口月隴明步檐倚杖候晨星無窮宇宙  
無窮事一笑山城打六更

二

綠袖垂肩士女圖豔歌還似轉鶯雛一春楊柳吹絲後五月

榴花照眼初

明畫燭倒金壺使君曉夙宴西湖老來忘却

遺山先生新樂府

卷五

一

石蓮庵補刻

行雲夢猶要春風醉後扶

阮郎歸

崢嶸秋氣動靜

一作

干崖川平晚照回小橋流水送吟鞋無人

覺往來

敲亂石坐蒼苔一杯復一杯

一作哦詩不置才

田家次第

有新醅黃花細細開

玉樓春

秋燈連夜寒生暈書視朝來龍尾潤臙臙窗口暗移時械械  
簷聲還一陣 黃花白酒登高近意外陰晴誰處問青山只  
管戀行雲忙殺晚風吹不盡

流光不受長繩繫樂事且須論早計丹成雞犬亦登仙運去  
英雄空掩涕 花迎酒笑甯無意酒藉花香尤有味由來夷

跼不多爭喚向花間同一醉

三

秋風茅屋浮雲巖汗漫招來稻與阮儘從鶴背更腰金獨恨  
騎曹餘手板一酒中最好藏疏嬾深注紅螺容細卷世間只  
汲口闌人舉步有閑渠自遠

四

人間鬢髮隨秋換天上月明秋又半月邊仍有女乘鸞萬古  
與誰期汗漫天翁苦被閒人管月好卻嫌秋夜短如何能  
得夜年長月也長如今夜滿

五

驚沙獵獵風成陣白鴈一聲霜有信琵琶腸斷塞門秋卻望  
紫臺知遠近深宮桃李無人問舊愛玉顏今自恨明妃留  
遣山先生新樂府

卷五

在兩眉愁萬古春山顰不盡

六

惜花長被花枝惱一夜落紅紛不埽綠雲爲幄繡爲衲不惜  
春衫還藉草尊前莫恨春歸早來歲花開應更好丁甯雙  
燕促春還向道惜花人未老

七

楚娘最瘦腰圍小會看新聲歌水調已看天上駐行雲更向  
花間留晚照傾城不博嫣然笑賸破千金猶恨少年恰  
是惜春時第一莫教容易了

江城子

繡香  
優曲

吐尖絨縷溼胭脂淡紅滋豔金絲畫出春風人面小桃枝看  
做香奩元未盡揮一首斷腸詩 仙家說有瑞雲芝瑞雲芝

石連庵  
補刻

似瓊兒向道相思無路莫相思枉繡合歡花樣子何日是合歡時

鷓鴣天

著意尋春苦未遲無情風雨妒芳期青樓天遠無書到繡被寒多祇夢知雲淡月低迷洛陽山色見愁眉何時重解香羅帶細看春風玉一圍

二

淡淡青鐙細細香四更人語在幽窗西風數點迎秋雨六尺湘紋滿意涼秦樹遠楚山長綠嬌紅小負年芳鴛鴦莫道口離恨鎖到金籠恰似雙

定風波

小口香來醉夢中夢迴幽賞惜慙慙只道南枝開未半誰喚遺山先生新樂府卷五  
等閑都逐晚雲空瀟灑小溪新雪後唯有蕭蕭霜葉臥殘紅幾欲問花應有恨休問爭教不肯嫁春風

清平樂

村墟瀟灑似是朱陳畫神武衣冠須早挂可待兒婚女嫁山深水木清華漁樵好箇生涯夢想平橋南畔竹籬茅舍人家

浣溪沙

秋氣尖寒酒易消秋懷無酒更無聊夕陽人影臥平橋菊就雨前都爛熳柳從霜罷便蕭條夜來風色似今朝

二

一片青天舉櫂過小舟無地受風波漁歌渾是太平歌鄉社年豐尋酒易陂塘春煖得魚多百年閑過又如何

三  
夢裏還驚歲月道鯉魚風退不勝秋人生雖異水同流  
力有神工駐景丹房無藥可燒愁陶兀兀老時休

四  
一片煙蓑一葉舟夢中身世是滄洲鯉魚風退不勝秋  
月春風行處有蒼苔濁酒醉時休人生雖異水同流

五  
爲愛劉翁駐玉華暗將心事許煙霞石田茅屋老生涯  
鐵笛不須從二草頭巾長擬挂三花他年人說漫郎家

虞美人

花心苦被春搖蕩粉豔嬌相向隔簾微雨送幽香未羨寒梅  
疏影月昏黃芳溫一念何時忘笑了還惆悵無端開近宋  
遺山先生新樂府 卷五

東牆眞箇曉人情思斷人腸

鷓鴣天

八月盧溝風路清短衣孤劍此飄零蒼龍雙闕平生恨只有  
西山滿意青塵援援鴈冥冥因君南望湧金亭還家贖買  
宜城酒醉盡梅花不要醒

二

飲量平常發興偏留連光景惜歡緣悲歌慷慨人爭和醉墨  
淋漓自笑顛麟閣畫祖生鞭拍浮多負酒家錢老來事事  
消磨盡只有尊前似少年

三

身外虛名一羽輕封侯何必勝躬耕田園活計渾閑在詩酒  
風流屬老成三會水半山亭村村花柳自昇平錦城未比

還家好何處而今有錦城

南鄉子

衰思怯登樓百感中來不自由天意時情誰解得悠悠一片黃雲畫角秋汾水遶城流流盡朱顏到白頭萬事且休論一醉都休前日黃花蝶已愁

朝中措

春閨寂寂掩蒼苔風雨卷春迴擬寫碧雲心事筆頭無句安排燈昏酒冷愁牽夢引直似秋懷料得醅釀知我枕邊時有香來

點絳脣

連夜春寒夜來好夢孤衾暖寺樓鐘斷卻恨更籌短一點閑情苦被離愁管西城晚鴈飛天遠草色歸心滿

道山先生新樂府

卷五

五

石蓮庵  
補刻

浪淘沙

劉公子家園  
秋日海棠

何處挽春還華屋金檠一枝紅雪入驚看總為西園風露早特地高閑寂寞曲闌干高髻雲鬟綠羅衫子瘦來寬好箇沈香亭畔月只枉秋寒

朝中措

與石子璋別求  
作樂府得麻字

驚絃裂石筆生華清興入悲筇為愛南山夜獵笑人杜曲桑麻高歌醉眼千金駿馬八月仙槎都把平生湖海看君咫尺龍沙

點絳脣

紅袖憑闌畫圖曾見崔徽半吹簫誰伴白地肝腸斷未了塵緣可道歡緣短雲山亂武陵溪岸幾誤鶯聲喚

把酒留春醉扶紅袖花前倒落花風掃紅雨深芳草  
春遲又恨春歸早花應笑惜春人老枉被春風惱

三

玉蕊輕明洗妝偏費春風手韻香襟袖別是閨房秀  
錦瑟華年□醉東園酒西歸後舊家花柳誰得何郎瘦

鷓鴣天

中秋雨夕同欽叔  
飲樂府宋宜家

著意朝雲復暮雲良宵留住住宋東鄰玄霜玉杵期無定高燭  
明妝賞更新團扇曲畫梁塵萬家秋氣一家春月光不照  
金尊裏只爲天燒醉得人

江城子

梅梅柳柳鬧新晴趁清明鳳山行畫出靈泉三月晉蘭亭細  
馬金鞍紅袖客能從我出重城賞心樂事古難并玉雙瓶

遺山先生新樂府

卷五

六

石蓮庵  
補刻

爲冠傾一曲清歌休作斷腸聲頭上花枝如解語應笑我未  
忘情

臨江仙

清曉千門開壽宴綺羅香繞芳叢紅嬌綠軟媚光風繡屏金  
翡翠錦帳玉芙蓉珠履爭持添歲酒葡萄酒飲金鍾人生  
福壽古難逢好將家慶事□□□□□

二

楊柳池塘桃李徑華堂壽宴初開圍春翠幙舞風迴東山攜  
妓女北海整尊疊玉筍輕敲紅象板金荷激濫傳盃笙歌  
繚繞宴春臺華山閑日月□野醉蓬萊

青玉案

熙春堂下花無數紅紫映桃溪路蝶往蜂來知幾許翠筠亭

外緣楊隄畔時聽嬌鶯語綺筵羅列開尊俎總是神仙侶  
競舉笙歌馳玉醕介公眉壽年年此日長與花爲主

南鄉子

遲日惠風柔桃李成蹊綠漸稠把酒尊前逢盛旦凝眸十里  
松湖瑞氣浮功業古難侔宜在凌煙更上頭彩色口閒浮  
喜氣風流千歲三公萬戶侯

玉樓春

謫仙暫下金鑾殿歡宴瑤池春未晚飛瓊獻舞錦靴寒弄玉  
吹簫銀字煖壽觴阿母年年勸猶道碧桃香尙淺花開更  
待幾東風應見口華千歲口

減字木蘭花

瑞雲仙霧拂曉重重遮繡戶一炷清香千尺流霞入壽觴

遣山先生新樂府

卷五

七

石蓮庵  
補刻

家門轉好從此自應長不老來歲春風看口西口小令公

朝中措

香輕紅淺露梅腮江上早春來玉佩聲朝丹闕霓旌影下瑤  
階朱門向曉三千珠履十二金釵碧海金鸞來報蟠桃一  
夜花開

西江月

骨相匪犀秀發精神聳鶴孤高少年事業富伊臯便向中書  
書考肘後不傳丹訣眉閒新長修毛一壺春色宴蟠桃口  
介歸榮忠孝

聲聲慢

香浮椒柏煖入醪酥瑞氣曉生簾幙絳闕真人來自五雲樓  
閣青霄路歧遊徧挂冠歸水晶口口道散處有壺中日月放

□龜鶴 好是朱顏難□嬉遊處不減少年行樂正好尋春  
莫負燕期鶯約沈沈洞天向晚按宮商重調音樂願歲歲聽  
新聲笙歌院落

滿庭芳

臘雪融融春冰浮玉素蟾三五纔過晚來庭戶何事五雲多  
盡道九天麟墜鏘環佩聲裏鳴珂風標爽骨中鬼礪豪氣挽  
天河 平生橫槊志指揮夷虜平□干戈□他年功業翠琰  
應磨福海壽山難老金尊滿鯨吸滄波歌聲溢玉山扶起拌  
取醉顏酡

朝中措

簾旌烘日繡波翻霜曉試輕寒高宴黃堂初啟雲外列仙班

□明麗錦香浮寶鴨身在蓬山三見揚塵滄海春風一笑

遺山先生新樂府

卷五

八

石蓮庵  
補刻

人間

千秋歲

玳筵晨啟家慶堪圖繪新楊弄暖簾櫳遂捧觴羅袖窄疊板  
歌喉脆香雲裏輕裘小帽仙翁喜 簪玉賓親至舞彩兒孫  
戲開口笑扶頭醉□□金穴富豈在貂蟬貴只恁地團樂共  
樂千秋歲

念奴嬌

嚴陵臺畔枕清江仙府□重金碧玉軸牙籤三萬卷環列人  
閒東壁名世高風□遵遺訓繼躡皆豪逸聯翩簪組滿門輝  
□金壁 談笑穩步青霄扶搖九萬里垂天橫翼大纛高牙  
三授鉞凜凜威行南國月滿三山春回八部宴寢凝香席祈  
公難老鳳池長醉春色

驀山溪 夏景集

曲名

梁州夏早南浦荷花媚人月欲圓時賀聖朝生申名世桂枝  
香滿早奪錦標迴春光好少年遊爛醉蓬萊裏 謁金門貴  
小鎮西南地品令貫三臺口雄望江南江北歸朝歡樂好事  
近佳辰風流子玉團兒爲唱千秋歲

一井金

綠陰清晝雨茸梅子黃時候華堂金獸香潤爐煙透舞燕迴  
輕袖歌鳳翻新奏院靜人稀永日遲遲花漏 一盃爲壽笑  
捧處自傳纖手釵頭花有瑞草宜男口不願金盈螿不願珠  
盈斗惟願薰風歲歲人長久

浣溪沙

修竹移陰未出牆好風斜綽露荷香壺中六月也清涼 不

遺山先生新樂府

卷五

九

石蓮庵  
補刻

放靈椿仙客口要看丹桂滿林芳天教光景爲人長

瑞鶴仙

薰風絃上奏正蛙鳴池沼鴛吟槐柳龍涎噴金獸口一番疏  
雨梅黃時候神仙舊友愛五亭山明水秀向口時慶旦高明  
富貴殆由天授 知否風流儒雅利達叢中似公稀有芝蘭  
挺秀看早晚定成就況雪兒佳麗歌清舞妙管取天長地久  
願年年預借苜蒲勸君壽酒

千秋歲

雙紋綵袖乍舞霓裳後香霧暖口瓊螿綠鬢蟬影動小摺湘  
裙皺歌聲斷彤雲盡日口晴晝 冰絲輕雪藕細酌鵝兒酒  
任醉擁佳人手綵衣行樂事莫惜盃如斗千萬壽願如明月

天邊久

瑞鶴仙

薰風□院宇藹清香凝戶曉涼如雨開簾望蓮渚擁輕紅嫩  
綠三千宮女□商泛羽命雙成嬋娟妙舞記當時初下瑤池  
闔苑翠輦來處 幾許玉簪珠履玳筵綺席壽觴初舉從容  
笑語吹簫伴驂鸞女算靈椿難老蟠桃頻見兩□蓬瀛便住  
看家庭葉葉金貂鳳池穩步

喜遷鶯

清和時序望桂影漸生薰風微度拂□金枝傳芳玉葉天下  
瑞麟重觀競敕謝庭蘭□振振西靡□鶯慶門裏把丹枝爭  
折青雲平步 聲譽喧盛世詠少□□□□□□□□□□□□  
□□□□□□□□□□□□□□□□□□□□□□□□□□□□□□  
繼沂公勳業東平茅土

遺山先生新樂府

卷五

十

石蓮庵  
補刻

西江月

物外神仙風骨人間富貴功名眉長新有秀毫生蕩座酒光  
花影 清暑玉壺晝永少年金印身輕他年旌節看歸榮笑  
傲五湖煙景

浣溪沙

借守陪京尺五天碧油旆裏地行仙政成多暇且同歡 梅  
雨□江□□潤薰風高閣水晶寒長鯨飲罷玉壺乾

一

瓊壓爲漿玉作卮使君真是吏民師碧桃仙耐飲鄉期 五  
馬旌□浮喜色南溪風月要新詩緩趨□□及瑤池

黃鸝遶碧樹

秋景

鴛瓦霜輕翠簾風細高門瑞氣非煙積慶源深有長庚應夢

喬岳生賢妙齡秀發謝庭蘭玉爭妍名動縉紳況文章政術俱是家傳 別有神功厚德向東州治獄平反玉函高第仙風道骨錫與長年最好素秋時節有畫堂高啟賓筵何妨縱樂笙歌捧觥船

滿庭芳

丹染吳楓青環越岫鏡天霽色凝鮮畫堂環佩瑞靄擁神仙天遣神清海宇親曾受黃石奇編興王略智名俱美功業妙難言 〇 〇 〇 立香飄袞服繡色映貂蟬有清詩千首美酒如川長與嫦娥共約放飛輪今夕先圓中秋月從今屈指更借一千年

念奴嬌

一年好處是西風繡出東籬寒菊蝶舞蜂狂誰便道今夕清香不足令尹風流年年春事小雨一犁新綠園扉人靜抱琴時弄幽獨 聞道野老相呼幽尋仙洞乞與長生籙鶴髮童顏須待得王母蟠桃初熟只恐相將日邊催去風沼鳴環玉娉婷一笑爲渠且盡醺醪

訴衷情

秋風吹綻北池蓮瑞雲樓閣鮮畫堂今日嘉會齊拜玉爐煙 斟美酒祝芳筵捧觥船宜春耐夏福祿兼全富貴長年

望仙門

玉壺清漏起微涼好秋光金盃激盪酌瓊漿會仙鄉 新曲調絲筦新聲更舞霓裳博山爐暖泛濃香泛濃香爲壽百千長

蝶戀花

卷五

二

石蓮庵 補刻

紫菊初生朱槿墜日好風清漸有中秋意更漏乍長天似水  
銀屏盡口遙山翠 繡幙卷波香引穗急筵繁絃共慶人間  
瑞滿酌玉杯繁舞袂口椿願祝千千歲

折丹桂

秋風秋露清秋節秋雨過秋香初發二仙生日好秋天氣節  
口秋霜爭裂 秋宵開宴羣仙列秋娘唱秋雲低過壽杯雙  
勸祝千秋鎮長似中秋皓月

永遇樂

龍閣先分鳳毛榮繼當世英妙山岳儲靈長庚應夢還慶佳  
辰到黃花泥露碧瓦凝霜香馥郡齋清曉憶當年青雲平步  
共喜驟躋華要 陰功厚德玉函金篆錫與世閒難老注意  
方濃分符屢請雅志人少棠陰口訟樂府新教正好醉山  
遣山先生新樂府 卷五  
頻倒有誰似萊衣遊戲萱堂壽考

少年遊

芙蓉花發去年枝雙燕欲歸飛蘭堂花軟金爐香暖新曲動  
簾帷 家人拜上千春壽深意口瓊枝綠鬢朱顏仙風道骨  
長似少年時

洞仙歌

千崖滴翠正秋高時候橘綠橙黃又重九有蓬壺仙子赤鯉  
來遊風雲會施展經綸妙手 去年稱壽處北斗天漿今夜  
天漿挹南斗聽笙歌裏奏月蕩瓊樓瑤臺上攤出姮娥口  
酒待脚踏層雲倒天河口傾向霞觴與君為壽

蝶戀花

最是 一年秋好處橘綠橙黃半帶金莖露翠幙珠簾開紫府

五雲深處台星聚 昨夜玉皇傳詔語 聞道君家勳業高前  
古賜與金丹并玉醕 壺中日月留長住 文向玉皇案前

朝中措

金風飄拂瑩蟾光 依約桂華香 紫府雲駟遊冶 朱門錦繡高  
張 笙歌叢裏 霞栢瀲灩 玉樹芬芳 共祝壽齡 何似□□松  
柏□長

虞美人

一杯薄酒休辭醉 願一千二百歲 白雲長伴此身閑 桂月蘋  
風分取□壺天 鵲爐香□黃金尾 庭院生秋意 倒傾銀漢  
作流霞 賸看蟠桃碧海記年華

玉樓春

煙爐不斷騰金獸 香霧入簾波影皺 秋堂錦席豔羣仙 不惜  
遣山先生新樂府

卷五

三

石蓮庵  
補刻

醉□□舞袖 繁絃脆管春風口 嬌媚如花輕似絮 勸君須  
盡眼前歡 酌酒十分千百歲

卜算子

壽酒不論杯 樂奏呈歌舞 先□中元七日生 風露涼如許  
好待月嬋娟 好與姮娥語 分付諸郎桂一枝 更覓月中兔

點絳脣

玉宇沈沈 綠窗珠戶 還相□碧池 回遶全似蓬萊島 今夕  
笙歌兩兩 雲鬟小 爐煙裏 壽觴傾倒 長願朱顏好

金鳳瑞鶴仙

四山秋氣爽 正雲淡 銀河露零 仙掌輕煙 瑞屏嶂 有文星一  
點□從天上 襟懷個 儻笑談閒光 散萬文向玉皇案底 秋毫  
□紙屢承天獎 何況雲龍風虎 萬乘故人 兩朝耆望 油幢

玉帳聽環佩丁東響有彈弦吹竹年年高會增壯中秋氣象  
月中玉兔長生借公醉賞

鷓鴣天

壽菊纔開□□秋光著意主人家清香未許人間識先占  
重陽□□兒綬綠母金花斑衣庭下樂無涯要知他日  
中書考細步沙隄隄上沙

滿庭芳

偃屈霜青稜層煙碧□□古人閒山光林色常伴住人閑  
元有仙風道骨□心趁玉筍朝班歸來賦不因五斗談笑挂  
衣冠九難誰不羨商山橋弄渭水漁竿引相君玉子助發  
幽歡□□壽觴多少南溟共北海波瀾君知否廟堂有意相  
與□寒巖

遺山先生新樂府

卷五

蝶戀花

一霎秋風驚畫扇粉膩紅嬌尙折荷花面草際露垂蟲響偏  
珠簾不捲留歸燕埽掠亭臺開小宴四坐清歡莫放金盃  
淺龜鶴延年□壽遠陽春一曲情何限

朝中措

年年金蕊豔西風人與菊花同霜鬢經霜重綠仙姿不飲長  
紅莢香度日從容笑語儘調兒童□□一盃爲壽從今更  
數千鍾

南歌子

暖日烘晴晝輕寒護曉霜小春庭院繞天香仙佩珊珊來自  
五雲鄉庭下芝蘭秀壺中日月長要看鬢綠與瞳方一笑  
人間千歲飲淋浪

古

石蓮庵  
補刻

鷓鴣天

萬古寒光太白精直宜分作兩郎星不口安得難兄弟先後  
堯莫三萊生 霜月冷斗杓橫老人今夜亦齊明他年莫作  
郎星看兩兩口躔拱太清

蹋莎行

月掛瓊鉤日添繡綫綺花翻浪重重捲風口環佩曉珊珊書  
堂羯鼓催開宴 翠縷香凝玉膏酒豔仙翁莫訴玻瓈滿鳳  
銜丹詔下雲霓千秋長侍黃金殿

金菊對芙蓉

銀燭搖紅獸煙噴翠正小春時候愛日和融玉口當日生英  
傑天付與道骨仙風文章冠世詞傾峽水筆掃秋虹更口福  
壽無窮 喜克家有子孫又英雄算人間何物可以形容除  
遺山先生新樂府 卷五 五 石蓮庵  
非後夜團圓月年年共皎潔相同捧卮口壽殷勤口口滿泛  
金鍾

滿江紅

寒日春溫照庭院瑞煙芬馥人盡道衢山當日謫仙新毓子  
舍榮華孫口茂詩書萬卷生涯足但放懷壽酒十分斟添香  
祝 竹太瘦松偏獨鶴易怨龜何俗算人間無物共供新曲  
但願長如天上月年年此夕光如玉伴長庚百歲承團圓蟠  
桃熟

南鄉子

梅雪弄芳馨綫日迎長口口莫爭看琴堂稱賀處娉婷滿捧  
霞觴燦鯉庭 鶴算更龜齡八十仙翁醉復醒好倩洛陽馳  
譽手丹青畫與人閒作壽星

水龍吟

玉梅含臘傳香瑞，莫秀茁開三四。蓮花沈漏，熊羆占應，洛陽名世。歲比甘羅，□□□累，某觀志向修文，寓直仙樓，侍宴梁王，寶真難儷。多少襟懷，未試暫超然。壺中遊戲，試看獻策歸瞻，疏□太常勳紀，歌遇巫雲舞，回鄒莞金釵，扶醉有陰功。仙賜丹砂，十紀壽祺全界。

千秋歲

塞垣秋早，又報平安好。尊俎上，英雄表。金湯生氣象，珠玉霏談笑。春近也，梅花得似人難老。莫惜金尊倒，鳳詔看看到。留不住，江東小。從容帷幄裏，整頓乾坤了。千百歲從今便是中書考。

滿江紅

遺山先生新樂府

卷五

六

石蓮庵  
補刻

雪鴨霜林，一夜報春消息。看是處，青回柳眼，粉勻梅額。和氣已迴，傾斗闕，壽星更喜，明南極。問四節物，奉誰歡，遼東客。熊夢且非常，日珠履，闌金釵，密指雙溪，千頃共斟瓊液。不用殷勤，千歲祝，姓名已上神仙籍。但時從王母，借蟠桃躬親摘。

滿庭芳

絳闕凌風，瑤池玩月，眾仙侍立。清班就中，仙伯乘興，到人間灑落襟懷。萬頃詞源，壯三峽波瀾，偏惟有清遊自適，不肯餌金丹。清閑誰得似，軒名佚老，名利都關。但夢中時到，方丈蓬山，滿泛盃中玉液。應知是生長，堯年憑誰勸，雲璈度曲，醉□朱顏。

鷓鴣天

內府清虛息萬緣，逍遙眞是地行仙。從他玉帶金魚貴，聽我  
綸巾羽扇偏。傾美醞，祝長年。休辭漱澁十分圓。來年此日  
稱觴處，定有重孫戲膝前。

二

鶴馭來從玉帝前，笑談勳業照凌煙。壽□仙□千百載，春在  
壺中別有天。香似霧，酒如泉。華堂冰雪映羣仙。靈椿不老  
青松健，花裏年年醉管絃。

減字木蘭花

幕天席地瑞臘香濃，笙管沸白紗衣輕。鶴髮童顏照座明，  
輕簪小珥，都是人間眞富貴。好倩丹青畫與人，閒作壽星。

蝶戀花

急鼓初鐘催報曉，樓上今朝捲起重簾。早環佩珊珊香裏裊。  
遺山先生新樂府 卷五  
塵埃不到蓬萊島，何用珠璣相映照。韻美形清自有天然。  
好莫向尊前辭醉倒，松枝鶴骨偏宜老。

玉樓春

風穿繡幙紅波皺，月照寶簾花影透。酒凝嫩臉醉紅桃，喜入  
蛾眉舒翠柳。瓊英檀暈花栽就，煙噴獸爐香滿袖。金枝元  
是玉皇孫，遐算願同王母壽。

訴衷情

海棠珠綴一重重，清曉近簾櫳。胭脂誰與勻淡，偏向臉邊濃。  
看葉嫩，惜花紅，口口窮。如花似蝶，歲歲年年，占斷春風。

滿庭芳

十里輕陰，一川新綠，不應春事來遲。試探消息，猶未減羅衣。  
誰信闌房秀色，倚風試桃李。先枝呈纖巧，吹香滴粉，漫放鏡

匿移 芳時常在眼歌清舞輒煙縷霏霏向金徽促柱玉局  
彈碁儘待功成九轉蓬萊近未肯昇棲還應是梁鴻舉案同  
作百年期

驀山溪

羣花爛熳春色濃如酒芳草綠鋪砌正醺醺牡丹時候佳辰  
協瑞來降玉宮仙珠簾捲畫堂深香霧騰金獸 朱顏□□  
不改長如舊金罍莫辭深拚通宵儘從銀漏笙歌叢裏懽□  
度年華看榮貴有兒孫永祝松椿壽

南鄉子

人日過三元宵便五宵共言今日好生朝皓月光輝香動  
玉梅梢 謝女工飛絮周郎待小喬年年鐙下醉金蕉鬢影  
蒼毳金縷細鵝毛

邁山先生新樂府

卷五

滿江紅

六

石蓮庵  
補刻

臘後春前高樓外梅飄香馥正雲耕初下瑤池西曲羅幕笙  
歌圍粉黛階前青紫團蘭玉更如賓相待袞衣新尊浮醪  
柔懿範康甯福榮耀事都齊足向寶薰煙裏壽祺同祝□雪  
仙姿元不老丹臺已注長生籙問從今歡宴幾何年蟠桃熟  
木末江城子  
綠陰庭院燕鶯啼繡簾垂瑞煙霏一片笙簫風過彩雲低疑  
是蕊宮仙子降翻玉袖舞瑤姬 冰姿玉骨自新奇看孫枝  
列班齊畫鼓新歌喜映兩疏眉袖裏桃花□霧溼應不惜醉  
金卮

燭影搖紅

紅葉翻階晚風微扇回輕暖羣仙高跨紫雲車來赴蓬萊宴

繡幕圍香遞遠颺簾花時時影轉彩衣嬉戲玉女回環綠嬌  
紅軟 夏玉調絲口音縵繞笙歌院蟠桃花發正當春煙媚  
明霞臉休口飛瓊女伴捧瑤觴何妨屢勸百年偕老五福齊  
眉人閒稀見

朝中措

年年重五近佳辰蒲艾一番新滿酌九霞香醞壽君兩鬢長  
春 閨中美秀如何賦得林下精神早辦口口布襖共爲雲  
水閑人

好事近

梅潤乍晴天簾捲畫堂風月珠翠共迷香霧是長年時節  
瑤池晝夜口羣仙鸞笙未吹徹王母醉中微笑看蟠桃初結

青玉案

遺山先生新樂府 卷五  
蝦鬚簾上銅鈎小玳瑁口輕寒繞紅葉微香侵語笑金釵珠  
履鳳簫鼉鼓疑是蓬萊島 萱堂日日春生貌嫩綠依然鬢  
邊好賦口修齡應不少年年長見畫堂口宴樓外青袍草

天仙子

水曲橋平雙燕語密密層陰圍繡幙梅姿不受暑光侵攜玉  
斧迎仙女爲問乘鸞何處所 盃酒流行無盡處繞膝花花  
前後舞笙歌移口下蓬壺天付與淩雲侶京兆近來眉更嫵

點絳脣

簾捲荷香綺羅人在薰風裏謝庭家世來作閨門瑞 象服  
魚軒占盡人間貴應難比蟠桃花底一醉三千歲

鷓鴣天

裏裏香風響佩環廣寒仙子跨青鸞誰教瑞世儀周國天賦

多才繼小山 鈴閣靜畫堂閑袞衣象服□團圓年年此日  
稱觴處留得菖蒲駐玉顏

二祝婦人壽

五福仙娥月殿來依然微步彩雲堆一從別□瑤池宴不見  
蟠桃幾度開 歌宛轉舞徘徊碧梧秋意滿池臺年年玉露  
收殘暑長送新涼入壽杯

蝶戀花

玉宇生涼秋恰半月到今宵分外清光滿兔魄呈祥冰彩爛  
廣寒宮裏逢華旦 聰慧風流天與擅玉骨冰姿本是飛瓊  
伴且領綠衣詩酒勸蟠桃待熟瑤池宴

感皇恩

濃露湛秋容涼生□曉斗帳蔥蔥瑞煙裊佩霞符夢初誕靈  
遺山先生新樂府 卷五 石蓮庵 補刻  
妃娟妙泳姿和玉骨天然好 菊韻蓮敷翠眉年少消得相  
如共偕老深斟壽酒惟願早封新號更期先插上宜男草

玉樓春

紫薇朱槿繁開後枕簟微涼生玉漏玳筵初啟日穿簾檀板  
欲開香滿袖 紅衫侍女頻斟酒龜鶴仙人來獻壽歡聲喜  
氣逐時新青鬢玉顏長似舊

念奴嬌

金神按節先下弦一夕分明秋色銀漢光浮天紺滑星彩遙  
瞻南極阿母分桃桂娥饋藥稱慶于今夕解顏微笑捲簾初  
識姑射 脩脩沆瀣橫空待高承仙掌□調精液金鼎丸丹  
光十丈一瓊龜齡千億綠髮堂中綵衣庭下瑞邊仙□宅機  
雲權舞雅歌聲動瑤席

鷓鴣天

綵舞萱光喜氣新年今日慶生辰碧凝香霧籠清曉紅入  
桃花媚小春須酩酊莫逡巡九霞盃冷更口溫壺天自是  
人難老長擁笙歌醉洞雲

畫堂春

月娥來自廣寒宮步搖環佩丁東戲鸞雙舞駕天風雲滿虛  
空一翦玉梅花小九霞瓊醴盃濃鳳簫千載莫怱怱且醉  
壺中

點絳脣

冰雪神人歲寒時節迎初誕照溪梅綻秀嶺孤松遠香霧  
氤氳不放重簾捲歌聲緩酒盃深勸此會年年見

願成雙

遠山先生新樂府

卷五

三

石蓮庵  
補刻

繡簾高捲沈煙細燕堂深玳筵初開階下芝蘭勸金卮有多  
少雍容和氣翠眉借老應難比效鸞鳳鎮日于飛惟願一  
千二百歲永同歡如魚如水

柳梢青

玉嫩紅嬌口花如月斜裏金翹楚女腰肢小喬風韻難比妖  
嬈當年約住藍橋便回首仙凡路遙一曲清歌千鍾美酒  
同慶生朝

跡不多爭喚向花間同一醉

秋風茅屋浮雲嘯汗漫招來嵇與阮儘從鶴背更腰金獨恨

騎曹餘手板一酒中最好藏疏懶深注紅螺容細卷世間只

沒口閑人舉步有閑渠自遠

四

人間鬢髮隨秋換天上月明秋又半月邊仍有女乘鸞萬古  
與誰期汗漫天翁苦被聞人管月好卻嫌秋夜短如何能  
得夜年長月也長如今夜滿

五

驚沙獵獵風成陣白鴈一聲霜有信琵琶腸斷塞門秋卻望  
紫臺知遠近深宮桃李無人問舊愛玉顏今自恨明如留

遣山先生新樂府

卷五

在兩眉愁萬古春山翠不盡

二

石蓮庵  
補刻

六

惜花長被花枝惱一夜落紅紛不掃綠雲爲幄繡爲裯不惜  
春衫還藉草尊前莫恨春歸早來歲花開應更好丁甯雙  
燕促春還向道惜花人未老

七

楚娘最瘦腰圍小會看新聲歌水調已看天上駐行雲更向  
花間留晚照傾城不博嫣然笑賸破千金猶恨少年恰  
是惜春時第一莫教容易了

江城子

繡香  
隱曲

吐尖絨縷溼胭脂淡紅滋豔金絲畫出春風人面小桃枝看  
做香奩元未盡揮一首斷腸詩 仙家說有瑞雲芝瑞雲芝

千遭繞郡衙 南苑月曲江花青雲軒蓋滿京華  
新生黃雀君休笑占了春光卻被他  
何處新生黃雀兒飛來直上最高枝側頭撼腦南園裏將謂春光總

伊屬

南柯子 濟川壽席

闕閱眞王後衣冠上客中路人遙識紫髯翁  
爭信舊來文武動南宮 得婿攀龍貴生男射虎雄  
壽筵休放酒尊空且道幾人全福與君同

又

粉淡梨花瘦香寒桂葉顰畫簾雙燕舊家春  
曾是玉簫聲裏斷腸人 澹澹催詩雨遲遲入夢雲  
武陵流水隔紅塵只怕翠鸞消息未全眞

朝中措

遺山先生新樂府 補遺

二 右蓮庵 補刻

櫻桃花下玉亭亭隨步覺春生處處綺羅叢裏  
偏他特地分明韶華似水棠梨華吐楊柳陰成  
不是低鬟一笑十分只是無情

又

良宵一刻抵千金孤負百年心好箇一江春水  
深來不似情深一天好事還教容易著甚消  
任煩惱眞須甯耐不成長似如今

阮郎歸 爲李長原賦

汴城西下望西山城居歲又殘萬家風雪一家寒  
青燈夜語闌人鮓瓮鬼門關無窮人往還求官莫要近長安  
長安行路難

又

漫郎活計拙於鳩閑中又過秋枕書眠了卻登樓貧來頗自由  
書咄咄賦休休西窗晚更幽詩家貧殺也風流家人不用愁

後庭花破子

玉樹後庭前瑤華妝鏡邊去年花不老今年月又圓莫教偏  
和花和月大家長少年

又

夜夜璧月圓朝朝瓊樹新貴人三閣上羅衣拂繡茵後庭人  
和花和月共分今夜春

點絳脣

長安中作

醉裏春歸綠窗猶唱留春任問春何處花落鶯無語 渺渺  
子懷漠漠煙中樹西樓暮一簾疏雨夢裏尋春去

遺山先生新樂府

補遺

三

石蓮庵補刻

小聖樂

綠葉陰濃漏池亭水閣偏趁涼多海榴初綻朵朵蹙紅羅乳  
燕雛鶯弄語對高柳鳴蟬相和驟雨過似瓊珠亂撒打偏新  
荷 人世百年有幾念良辰美景休放虛過富貴前定何用  
苦張羅命友邀賓宴賞飲芳醕淺斟低歌且酌酌從教二輪  
來往如梭

點絳脣

繡佛長齋半生枉伴蒲團過酒壚橫臥一蹴虛空破 頗笑  
張顛自謂無人和還知麼醉鄉天大少箇神仙我

相見歡

王藥花

花中間遠風流一枝秋只枉十分清瘦不禁愁 人欲去花  
無語更遲留記得玉人遺下玉搔頭

元遺山詩文爲金源一大家而詞未編入集有舊樂府新樂府兩種舊樂府早佚新樂府五卷輾轉傳鈔至嘉慶間阮文達公錄以進呈見琴經堂外集道光庚戌平定張石洲陽泉山莊咸豐乙卯華亭張梅生鋤月山房兩刻之訛缺頗多梅生成訂誤一卷補遺五首附後以爲彼善於此矣近讀張嘯山書後方知嘯山別爲校勘附入訂誤而遭亂遺失又見華若汀臧舊鈔有補遺二十二首方知梅生刻本亦未盡善也盧抱經以五卷本爲錢唐凌雲翰編集則誤彥狝所編荃孫有明鈔本只一卷合新舊兩樂府選成故有出此五卷之外者歷代詩餘詞綜所見亦此本一卷二卷之不同或有分并耳陽泉山莊本書甫成而石洲歿後板歸琉璃廠韓估爲補缺板印行海內始見遺山全

遺山先生新樂府

跋

四

石蓮庵  
補刻

書今仲樸侍郎彙刻金源人集福山王文敏作緣從韓估購歸而樂府原刻只留一卷二卷以下皆補刻訛舛最甚又缺卷五石洲序並不云有缺恐是韓估漏補惟樂府前四卷一詞若干首萃於一處四卷不重複五卷詞則叢雜不特與前四卷重卽本卷亦互見似此一卷又疑原本所無爲後人重輯者第刻遺山全集無論何人所逸總宜補全爲是因爲寫第五卷及前四卷校誤以覆侍郎侍郎因囑荃孫在金陵刊板並輯逸詞十八闕惜未見華本恐尙有遺珠也光緒乙巳九月江陰繆荃孫跋

